

**Bosna i Hercegovina**

**Federacija Bosne i Hercegovine**

**Tuzlanski kanton**

**OPĆINA GRAČANICA**

**Predlagač:**

Općinski načelnik

**IZVJEŠTAJ**

**O REALIZACIJI PROGRAMSKIH AKTIVNOSTI OPĆINSKOG  
NAČELNIKA ZA 2016. GODINU**

**Razmatra:**

Općinsko vijeće

Gračanica, februar 2017. godine

## **UVOD**

Dokumentom Izveštaj o realizaciji Programskih aktivnosti Općinskog načelnika za 2016. godinu Općinski načelnik želi da pruži uvid u prioritetne programske aktivnosti koje su realizovane od strane Općinskog načelnika i kompletne općinske administracije u izvještajnoj godini.

Obaveza izrade ovakvog dokumenta i izvještavanja Općinskog vijeća i javnosti o provedenim aktivnostima i obavljenim poslovima iz djelokruga rada lokalne samouprave u protekloj godini, proizilazi iz statutarnih i zakonskih odredbi, te iz Programa rada Općinskog vijeća za 2017. godinu.

Programskim aktivnostima za 2016. godinu obuhvaćeni su najvažniji zadaci i obaveze općinskih službi koje su od interesa za građane, njihove organizacije, mjesne zajednice, lokalnu privredu i sve druge oblasti koje prate razvoj naše lokalne zajednice. U skladu s tim, ovaj Izveštaj predstavlja pregled aktivnosti koje su Općinski načelnik kao izvršno tijelo, ali i kompletna općinska administracija i prateće službe preuzeli u 2016. godini i koji kao takav može poslužiti za ocjenu rezultata rada lokalne samouprave u cjelini. Ovaj dokument bavi se glavnim aktivnostima Općinskog načelnika prema područjima djelovanja, a na osnovu izvještaja nadležnih službi, javnih preduzeća i ustanova.

Bez obzira na utvrđeni plan rada, prirodna nesreća, kao i druge društvene, političke i ekonomske poteškoće koje su obilježile prethodne godine uveliko su usmjerile tok aktivnosti lokalne uprave. Pored nepredviđenih situacija kojima smo se morali prilagoditi, nastojali smo zadržati dosadašnji nivo kvaliteta pružanja usluga i obavljanja redovnih aktivnosti kako bismo sve planirane obaveze i sve ugovorene projekte realizovali na vrijeme.

Iako smo i u 2016. godini značajan dio budžetskih sredstava morali preusmjeriti za otklanjanje posljedica prirodne nepogode, treba naglasiti da smo budžetsku godinu uspješno okončali i da njegova razvojna komponenta ni u jednom momentu nije bila upitna. Tome u prilog govore provedene aktivnosti i realizovani projekti iz oblasti biznisa i lokalnog razvoja, infrastrukture, ruralnog razvoja, efikasnosti lokalne uprave, socijalnih programa, kulture, sporta, mladih i dr.

Važno je potcrtati da se prilikom realizacije planiranih programskih aktivnosti i ciljeva u izvještajnom periodu Općinski načelnik strogo vodio zakonskim odredbama koje regulišu položaj, status, i obaveze Općine kao jedinice lokalne samouprave, Statuta Općine, odlukama i stavovima Općinskog vijeća, kao i utvrđenim strateškim dokumentima.

Pošto je zasnovan na planskom aktu, cilj je kvalitetno, precizno i realno izvijestiti, uvažavajući i sve objektivne i nepredviđene okolnosti koje su obilježile 2016. godinu.

## **PRIVREDA I LOKALNI EKONOMSKI RAZVOJ**

Gračanička privreda je i u prošlogodišnjim teškim uslovima privređivanja postigla značajne poslovne rezultate. To je rezultat, prije svega, rada menadžmenta, firmi i uposlenika. Općina je sa svoje strane činila sve kako bi bila efikasna u rješavanju zahtjeva privrednika, izgradnji infrastrukture i dr. u funkciji stvaranja povoljnijeg ambijenta, ali i izgradnji partnerstva na drugim projektima.

Nastavljena je kontinuirana saradnja sa poduzetnicima i sa nadležnim institucijama i višim nivoima vlasti u cilju uočavanja uskih grla i otklanjanju barijera u efikasnijem poslovanju privrednih subjekta.

Općinski načelnik je redovno razgovarao sa poduzetnicima i bio na usluzi za rješavanja problema iz općinske nadležnosti, te prisustvovao važnijim sastancima naših privrednika i njihovim poslovnim partnerima. Istim su prisustvovala brojne delegacije i privrednici, a posebno bi istakli delegaciju iz Pljevlja (Republika Crna Gora) koju su predstavljali najviši zvaničnici lokalne vlasti i privrednici. Rezultat svega toga je bila i uzvratna posjeta naše delegacije i ubrzo se očekuju prvi poslovni aranžmani, kao i bratimljenje sa tom općinom.

U prioritetu je bilo rješavanje zahtjeva privrednika (Izdavanje rješenja za obavljanje djelatnosti koji su u nadležnosti Općine i isti se izdaju u minimalno kratkom roku). Bitno je istaći da je u 2016. godini porastao broj registrovanih poljoprivrednih proizvođača pa sada na području općine Gračanica ima registrovano 60 obrtaja iz te djelatnosti.

Treba istaći da smo sa „NERDOM“ (Razvojnomoj agencijom) ušli u projekat „ILO“ (Međunarodna organizacija rada) koja ima za cilj nova zapošljavanja.

Nastavljena je ustaljena praksa primanja većeg broja svršenih studenata za sticanje prvih radnih iskustava kako bi istim omogućili da konkurišu na tržištu rada.

U cilju stvaranja još povoljnijeg poslovnog ambijenta Općina je ušla u projekat „BFC Certificiranje“.

Radilo se na povezivanju privrednika Gračanice sa zainteresovanim poslovnim partnerima u zemlji i inostranstvu i stvoren još povoljniji ambijent u cilju ulaganja domaćeg i stranog kapitala na području općine, pružena je konkretna pomoć i partnerstvo u organizovanju sajma poduzetništva i obrta „GRAPOS EXPO 2016“ Gračanica. Sajam je bio i ostao jedan od najvažnijih segmenata promocije i podstreka za unapređenje privredne ponude općine Gračanica. Opravdanost i neophodnost 6. Sajma poduzetništva i obrta potvrdio je veliki broj izlagača i posjetilaca.

Ukupno realizovanih najbitnijih projekata u 2016. godini na području općine iznosi 6.673.058,81 KM.

Kao i svake godine, tako i u 2016. godini budžet Općine bio je razvojni.

U prilogu su bitniji realizovani projekti u 2016.godini, a svi ostali bit će u Izvršenju budžeta.

Red. broj	NAZIV	Iznos u KM
1.	Sanacija kuća i objekata oštećenih uslijed prirodnih nepogoda	338.040
2.	Energijski efikasne škole na području općine Gračanica (O.Š. Stjepan polje, Vranovići i Lukavica)	91.251
3.	Utopljanje sportske sale objekta O.Š. „Hasan kikić“ Gračanica	41.207
4.	Izgradnja sportske dvorane	208.551
5.	Izgradnja društvenog doma u MZ Trnovci	33.335
6.	Izgradnja javne rasvjete u centru grada, parku ispred zgrade Općine i Centralnom parku, LED rasvjeta	245.000
7.	Izgradnja vodovodnog sistema Babići i Malešići	177.005
8.	Vodosnabdijevanje u MZ Vranovići	53.912
9.	Vodosnabdijevanje u MZ Donja Orahovica	27.285
10.	Vodosnabdijevanje u MZ Doborovci	9.147
11.	Vododnabdijevanje u MZ Malešići	2.966
12.	Vodosnabdijevanje u MZ Rašljeva i drugi projekti	23.480
13.	Vodosnabdijevanje u MZ Miričina	34.687
14.	Fekalna kanalizacija Mejdanić	36.714
15.	Fekalna kanalizacija Ahmeta Šiljića	28.200
16.	Fekalna kanalizacija Malkića Sokak	27.400
17.	Kanalizacija Žepići u MZ Gračanica	15.051
18.	Kolektor fekalne kanalizacije u naselju Varoš II, faza II	24.021
19.	Rekonstrukcija puta u MZ Lendići	48.505
20.	Rekonstrukcija puteva u MZ Donja Orahovica (Makovci)	50.000
21.	Rekonstrukcija puta Bajići u MZ Donja Orahovica	15.939
22.	Rekonstrukcija puteva u MZ Škahovica - Čozalovo Brdo	68.995
23.	Rekonstrukcija puta za zaseok Okići II u MZ Škahovica	13.982
24.	Rekonstrukcija puta u MZ Stjepan Polje-Malešići	45.743
25.	Rekonstrukcija puteva u Džakulama (put prema selu)	26.898
26.	Rekonstrukcija puteva u MZ Buk	90.000
27.	Rekonstrukcija puteva u MZ Pribava	39.950
28.	Rekonstrukcija puta u MZ Rašljeva	25.000
29.	Rekonstrukcija puta u MZ Piskavica (Plane)	29.014
30.	Rekonstrukcija puta u MZ Donja Lohinja Mujkanovac - Meraje	37.647
31.	Rekonstrukcija puta u MZ Malešići - Golaći	15.009
32.	Rekonstrukcija puta u MZ Lukavica - Čamdžići	34.985
33.	Rekonstrukcija puta MZ Miričina (Durakovići)	27.000
34.	Rekonstrukcija puta u Pašalićima – MZ Gračanica	25.000
35.	Sanacija puta Ahmeta Šiljića u MZ Gračanica	25.204
36.	Sanacija puta Malkića Sokak u MZ Gračanica	23.000
37.	Rekonstrukcija ulice Alije Đerzeleza	20.000
38.	Rekonstrukcija puta Javor - Bahići u MZ Gračanica	30.000
39.	Magistralni put M4 - Sočkovac	203.176
40.	Sanacija ulice Šenik (II faza) u radnoj zoni Gračanica	144.582
41.	Završetak nove zgrade Općine	242.832
42.	Rekonstrukcija propusta – mosta u MZ Malešići - Mešići	15.000
43.	Poligon Karići u MZ Babići-Vis	17.383
44.	Poligon u MZ Donja Orahovica	30.066

45.	Sanacija mosta u MZ Prijeko Brdo	20.115
46.	Izdaci za regulaciju rijeke Spreče od ušća rijeke Sokoluše u rijeku Spreču do mosta Karanovac	400.000
47.	Rekonstrukcija infrastrukture u gradu iz rente	150.656
48.	Izdaci za sanaciju klizišta	219.501
<b>UKUPNO:</b>		<b>3.552.434</b>

Projekti koji nisu prešli preko budžeta:

<b>Red. broj</b>	<b>NAZIV</b>	<b>Iznos u KM</b>
1.	Sanacija klizišta i puta Korića Han	197.916,77
2.	Sanacija klizišta i puta Serhatlije	458.794,19
3.	Sanacija klizišta i puta Klanac	308.532,97
4.	Glavni projekat sanacije klizišta Monj	94.000
5.	Sanacija klizišta Brđani MZ Gornja Orahovica	68.000
6.	Stambeno zbrinjavanje Roma-Javor 2	460.000
7.	Izvođenje radova na sanaciji vodovodni i kanalizacionih sistema oštećenih poplavama na području općine Gračanica	899.509,88
8.	Projekti izgradnje kolektora u gradu	633.871
<b>UKUPNO:</b>		<b>3.120.624,81</b>

### **BUDŽET I JAVNE NABAVKE**

U skladu sa Zakonom o budžetima i budžetskim kalendarom sprovedene su sve procedure oko izrade budžeta, DOBA, rebalansa budžeta, izvještavanja o izvršenju budžeta i utroška budžetske rezerve, kao i slanje izvještaja višim nivoima. Sprovedene su sve aktivnosti da općina kao jedinstveni organ i vanjski budžetski korisnici u 2017. godini pređu potpuno na trezorski način poslovanja.

Kada su u pitanju javne nabavke, treba istaći da je po usvajanju budžeta za 2016. godinu usvojen plan javnih nabavki.

U skladu sa planom javnih nabavki u 2016. godini sprovedeno je 97 procedura javnih nabavki.

**INFRASTRUKTURNI I DRUGI PROJEKTI**

<b>Red. br.</b>	<b>Donator</b>	<b>Iznos sredstava (KM)</b>	<b>Naziv projekta</b>	<b>Vrijeme apliciranja/ realizacije</b>
1	Delegacija EU	250.000,00	Stambeno zbrinjavanje Roma	2016
2	FMOIT	41.000,00	Glavni projekat sanacije deponije Grabovac i proširenje selektivnog odvajanja otpada	2016
3	Fond za zaštitu okoliša FBiH	80.000,00	Energetski efikasna Gračanica kroz uvođenje LED rasvjete	2016
4	Agencija za vodno područje rijeke Save	200.000,00	Izrada projektno-tehničke dokumentacije za regulaciju korita rijeke Spreče	2016
5	Agencija za vodno područje rijeke Save	400.000,00	Regulacija desnog korita rijeke Spreče - uliv Sokoluše	2016
6	Kantonalno ministarstvo prostornog i zaštite okolice	217.000,00	1. Fekalna kanalizacija „Žepići – Grin“ 2. Fekalna kanalizacija Ahmeta Šiljića 3. Fekalna kanalizacija Malkića sokak 4. Fekalna kanalizacija Mejdanić 5. Utopljanje II OŠ 6. Utopljanje OŠ Gornja Orahovica	2016
7	FMOIT	200.202,48	Nabavka kamiona za selektivno prikupljanje otpada	2016
8	Ministarstvo za ljudska prava i izbjeglice	100.000,00	Novo stambeno naselje za Rome, Javor II	2016-2017
9	EIB	423.847,12	WATSAN FBiH- Izvođenje radova na bušenju istražnih bušotina	2016-2017
10	Švedska razvojna agencija SIDA	852.741,88	Komponenta 1: Rekonstrukcija transportnog cjevovoda od izvorišta "Sklop" do R. "Gaj" • Komponenta 2: Rekonstrukcija oštećenog transportnog cjevovoda od izvorišta "Ilidža", L= 387.83 m • Komponenta 3: Rekonstrukcija oštećenog transportnog cjevovoda od izvorišta "Soljanuša", L=251.75 m • Komponenta 4: Rekonstrukcije oštećene vodovodne mreže u vodovodnom sistemu Lukavica • Komponenta 5: Rekonstrukcije oštećene vodovodne mreže u vodovodnom sistemu Stjepan Polje • Komponenta 6: Zaštita glavnog kolektora u Džakulama – Lokacija 1 - Nizvodno od pilane • Komponenta 7: Rekonstrukcija glavnog kolektora u Džakulama – Lokacija 2 - Kod pilane • Komponenta 8: Čišćenje kanizacionih kolektora u Gračanici	2016

11	Federalno ministarstvo kulture i sporta	10.000,00	Stolarija "Konak"	2016
12	USAID/GOLD	95.500,00	„GOLD - Finansiranje izvozno orijentiranih aktivnosti, obuka radne snage i certificiranje kompanija u Gračanici- ELATEC d.o.o.- 20.000,00 KM, ADAM CO 7.500,00 KM, BEMA BA – 50.000,00 KM, SYNERGY GLOBAL – 10.000,00 EUROPROST – 8.000,00 KM	
13	Market Makers	205.000,00	Izgradnja pristupne saobraćajnice koja povezuje Sočkovački put i magistralni put M4	2016
14	Svjetska banka	1.058.243,93	Izrada projektno-tehničke dokumentacije za sanaciju klizišta Monj Sanacija klizišta i dionice puta Korića Han-Grabovac Sanacija klizišta i dionice puta Serhatlije-Džanani Sanacija klizišta i dionice puta Stjepanovac-Samuela Elezara	2016
15	EIB	854.130,76	LOT 3 kanalizacija	2016
16	Federalno Ministarstvo prostornog uređenja/Ministarstvo kulture i sporta	40.000,00	Pravoslavna crkva	Realizacija u 2017
17	Federalno ministarstvo razvoja, poduzetništva i obrta, UNDP, Općina Gračanica, privrednici	145.000,00	Šenik II	Realizacija u 2016
18	Fond za zaštitu okoliša FBiH	200.000,00	LOT3 kanalizacija	Realizovano u okviru EIB-a
19	Fond za zaštitu okoliša FBiH	50.000,00	Zaštita kolektorske mreže	Realizacija u 2016
20	Fond za zaštitu okoliša FBiH	80.000,00	Istražne bušotine	Realizacija 2016-2017
21	Ministarstvo prostornog uređenja TK	80.000,00	Zaštita kolektorske mreže	Realizacija u 2016
22	Ministarstvo prostornog uređenja TK	95.383,00	Energijski efikasne škole	Realizacija u 2016
23	Ministarstvo prostornog uređenja TK	45.000,00	OŠ Hasan Kikić	Realizacija u 2016
24	Ministarstvo prostornog uređenja TK	51.000,00	Priključak JU na toplovod	Realizacija u 2016
25	Ministarstvo poljoprivrede, vodoprivrede i šumarstva TK	200.000,00	Regulacija Sokoluše	Realizacija u 2016
26	Ministarstvo poljoprivrede, vodoprivrede i šumarstva TK	20.000,00	Izrada projektno-tehničke dokumentacije a) Regulacija Drijenče b) Regulacija Lukavičke rijeke c) Regulacija Orahovičke rijeke	Realizacija u 2016
27	Ministarstvo poljoprivrede, vodoprivrede i šumarstva TK	195.682,03	Zaštita izvorišta Vrela i Ilidža, aplicirala MZ Soko	Realizacija u 2016
28	Catholic relief service	117.530,79	Sanacija klizišta Brđani, MZ Gornja Orahovica	Realizovano u 2016
	<b>UKUPNO</b>	<b>6.307.261,99</b>		

## **POLJOPRIVREDA**

Nastavljena je finansijska podrška Udruženju poljoprivrednih proizvođača, inženjera i tehničara, kao i pružena puna podrška Udruženju peradara oko prevazilaženja problematike te poljoprivredne grane. Udruženje poljoprivrednih proizvođača, inženjera i tehničara je veoma aktivno i svojim djelovanjem doprinijelo daleko uspješnijem razvoju poljoprivrede na području općine.

Prevenција i zaštita životinja provodila se putem Veterinarske stanice i uz finansijsku pomoć Općine preventivno cijepljenje životinja. U toj oblasti urađeno je slijedeće: vakcinacija Antrax, Šuštavac i Parašuštavac (3.000 goveda); vakcinacija Antrax, Šuštavac i Parašuštavac (2.942 ovaca); dijagnostika /Bruceloza, Leukoza, TBC – mliječni karton (1.615 muznih grla); dijagnostika / Bruceloza, Leukoza, TBC – tov junadi (1.127 goveda), vakcinacija protiv bjesnila (315 pasa); vakcinacija protiv Bruceloze (2.942 ovaca); dijagnostika – Bruceloza (2.942 ovaca).

Uhvaćeno-zbrinuto pasa lotalica u ambulanti stacionar Gračanica 395, od kojih je 295 udomljeno, 100 kastrirano i pušteno, a zbog agresivnosti i teških oboljenja 182 je eutanazirano i u skladu sa zakonom pokopano.

Izdato 422 rješenja o ostvarivanju prava na novčanu podršku, a ukupno odobreni iznos je 420.334,30 KM (ovdje se radi samo o novčanoj podršci sa nivoa Kantona).

Izvršeno je 106 pretvorbi iz poljoprivrednog u građevinsko zemljište i po tom osnovu na račun Vlade TK-a uplaćena su sredstva u iznosu cca 270.000 KM.

U saradnji sa USAID započet projekat „Povećanje konkurentnosti proizvodnje jagodičastog voća“.

Implementacija aktivnosti na unapređenju konkurentnosti sektora poljoprivrede u projektu EU Prolokal finansiranog od strane Švedske organizacije GIZ.

Projekat prekogranične saradnje finansiranog iz Fonda EU, IPA Cros border CRO-BIH-MN 2014-2020 „Jačanje konkurentnosti i razvoj poslovnog okruženja u poljoprivrednom području“.

Kontinuirano se vrši upis poljoprivrednih proizvođača i unosi se u bazu podataka registar poljoprivrednih gazdinstava i registar klijenata i do sada je registrovano 2.200 proizvođača. Urađen je plan proljetne i jesenje sjetve, kao i izvještaj o realizaciji proljetne sjetve.

Urađena informacija o ostvarenim podsticajima na području općine Gračanica koju je razmatralo i usvojilo Općinsko vijeće.

LEAP (Lokalni ekološki akcioni plan) koga je razmatralo i usvojilo Općinsko vijeće 30. 08. 2016. godine razmatralo realizaciju istog u 2016. godini.

SEAP (Akcioni plan energetske održivosti razvoja općine Gračanica), usvojen na sjednici Općinskog vijeća.



## **INSPEKCIJSKI NADZOR**

U izvještajnom periodu komunalni redari napravili su 35 službenih zabilješki, 124 zapisnika, koji su dostavljeni komunalnom inspektoratu za poduzimanje zakonskih mjera.

U izvještajnom periodu urbanističko-građevinski inspektor obavio je 345 inspekcijskih pregleda – nadzora, te asistencija komunalnoj inspekciji 160 nadzora i na osnovu sačinjenih zapisnika i utvrđenog činjeničnog stanja doneseni su slijedeći upravni akti :

- Rješenja sa naloženim mjerama investitorima radova.....	80
- Odgovori strankama po obavljenim nadzorima po njihovim zahtjevima.....	77
- Prekršajni nalog.....	24
- Zaključci.....	25
- Broj izjavljenih žalbi.....	10
- Potvrđenih rješenja od strane drugostepenog organa nakon uložene žalbi .....	8
- Opomene, pozivi, upozorenja pravnim i fizičkim licima za kršenje Zakona i zakonskih propisa.....	44

U izvještajnom periodu komunalni redari napravili su 21 službenu zabilješku, 116 zapisnika, koji su dostavljeni komunalnom inspektoratu za poduzimanje zakonskih mjera.

Takođe na osnovu intervencije komunalnih redara u organizovani odvoz smeća uključeno je 202 domaćinstava, kao i 11 privrednih subjekata.

## **UPRAVA, DRUŠTVENE DJELATNOSTI, BORAČKO-INVALIDSKA ZAŠTITA I ZAJEDNIČKI POSLOVI**

Tokom 2016. godine težište u radu Službe bilo je na unapređenju usluga građanima kroz bolju organizaciju usluga u prijemnoj kancelariji (šalter sali), uspostavljanje jednostavnijih procedura rada i poboljšanje procesa. U cilju poticaja građana na ostvarivanje prava na informacije Općina je putem Info pulta, i Vodiča za pristup informacijama i na drugi način usmjeravala građane na njihovo pravo u smislu Zakona o slobodi pristupa informacijama u Federaciji BiH. U toku godine zaprimljeno je 90 predmeta pristupa informacijama, za koje su redovno slati izvještaji o primjeni Zakona o slobodnom pristupu informacijama Parlamentu Federacije i Ombudsmenu.

Odjeljenje za upravu izvršava stručne, administrativne i druge poslove koji se odnose na: provođenje zakona, odluka i drugih propisa iz oblasti uprave, rada i radnih odnosa uposlenih, poslove prijemne kancelarije, pisarnice i arhive za potrebe svih službi a koji se odnose na prijem pošte, otvaranje, pregledanje i raspoređivanje pošte, zavođenje predmeta i akata u odgovarajuće knjige evidencije, dostavljanje predmeta i akata u rad, zavođenje predmeta i akata, vođenje rokovnika predmeta, otpremanje pošte i arhiviranje predmeta i akata, poslove ovjere potpisa, rukopisa, prepisa i fotokopija, poslove dostavljača, poslove matičnog ureda koji se odnose na vođenje matičnih knjiga rođenih, vjenčanih i umrlih, upis promjena u matičnim knjigama, naknadni upisi u matičnim knjigama, izdavanje izvoda iz matičnih knjiga i uvjerenja o činjenicama iz matičnih knjiga, raznih statističkih izvještaja, sastavljanje i dostavu smrtovnica općinskom sudu, provođenje postupka zaključenja braka, poslove vođenja upravnog postupka za ispravku grešaka i naknadni upis u matičnim knjigama, informatičke poslove za službe i druge poslove iz svoje nadležnosti.

Nastavljeno je unapređenja rada službi u cilju kontinuiranog rasta zadovoljstva korisnika usluga. Vršeno je povremeno ispitivanje zadovoljstva korisnika administrativnim i javnim uslugama. U upravnom postupku riješeni su svi predmeti, bez zastoja kontinuirano primani zahtjevi, vršene ovjere potpisa, prepisa i fotokopija dokumenata, primana i otpremana pošta, arhivirani predmeti, vršeni upisi u matične knjige, izdavani izvodi iz matičnih knjiga, vršene provjere podataka kroz matične knjige za biometrijske pasoše, vođen upravni postupak za ispravku podataka i naknadni upis u matične knjige, vođen upravni postupak po Zakonu o slobodnom pristupu informacijama.

U okviru javnog sektora i društvenih djelatnosti rad Službe je bio usmjeren na oblasti zdravstva, obrazovanja, kulture, fizičke kulture, sporta, boračko-invalidske i socijalne zaštite, izbjeglica i raseljenih lica, informatike i podrške Agenciji za identifikaciona dokumenta.

### **a) Obrazovanje**

U oblasti obrazovanja usvojene su Odluka o broju i visini stipendija za učenike srednjih škola i studenata na području općine Gračanica i Odluka o utvrđivanju uslova, kriterija i postupka dodjele stipendija učenicima srednjih škola i studentima općine Gračanica, raspisan je Konkurs i provedena procedura za dodjelu stipendija.

Za školsku 2015/2016. godinu odobreno je 100 stipendija studentima i učenicima srednjih škola, a sredstva su obezbjeđena u budžetu.

Kroz učešće u radu Aktiva direktora osnovnih i srednjih škola radilo se na unapređenju obrazovnih planova i programa. JU Dječije obdanište „Naša djeca“ pružana je pomoć oko organizovanja obaveznog predškolskog obrazovanja.

Općina je prošle godine odobrila mjesečne karte za osobe slabijeg imovnog stanja i učenicima čiji su objekti srušeni u prirodnom nesrećama. Takođe su nagrađivani najbolji učenici uključujući i maturante.

## **b) Zdravstvo**

U oblasti zdravstva Služba je obavljala poslove vezane za dobrovoljno prikupljanje krvi u saradnji sa Crvenim križom te druge poslove iz nadležnosti Općine.

## **c) Kultura**

U oblasti kulture koordinirane su aktivnosti na organizaciji i sprovođenju kulturno zabavnih manifestacija: „Ljetne večeri pod lipama Gračanice“, „19. Festival dječijeg teatra BiH“, „Internacionalni festival folklor i sevdaha Lukavica 2016“, manifestacijama koje su podržane kroz javni poziv za Nevladin sektor i omladinska udruženja : „Novogodišnji bazar“, „Dječje Nove godine“ i dočeka Nove godine na otvorenom.

## **d) Fizička kultura i sport**

Data je finansijska podrška programu rada Općinskog sportskog saveza, Općinskog nogometnog saveza, a svi sportski kolektivi su dobili neophodna sredstva za takmičenje, uključujući i obaveze prema savezima. Data je finansijska podrška tradicionalnim sportskim manifestacijama i turinirima u mjesnim zajednicama. U izvještajnom periodu u oblasti sporta ostvareno je učešće u izradi godišnjeg Programa rada Sportskog saveza Općine Gračanica kao i u realizaciji projekata „Klizalište“, „Pješaćenjem do zdravlja“, „Obuka učenika neplivača osnovnih škola“, „Ulične trke učenika osnovnih i srednjih škola“, „Dani fitnesa“ „Izbor sportiste godine“. Organizovana je po 17. put Danska škola fudbala za najmlađe, uz učešće preko 200 djevojčica i dječaka. Sportska sala je bila besplatno na usluzi dvoranskim sportovima.

## **e) Oblast boračko-invalidske zaštite**

Pored poslova vođenja upravnog postupka, obračuna i isplate boračkih naknada, Služba je pružala pomoć boračkim organizacijama u realizaciji programa rada boračkih udruženja kod obilježavanja zajedničkih datuma za odbranu općine.

Održavani su sastanci sa boračkim organizacijama u cilju upoznavanja sa problemima boračke populacije i pružanja stručne pomoći u rješavanju tih problema.

U projektu Ministarstva za boračka pitanja TK "Stambeno zbrinjavanje socijalno ugroženih branilaca i članova njihovih porodica" Općina Gračanica je prikupila zahtjeve sa potrebnom dokumentacijom i iste prosljedila nadležnom Ministarstvu. Podnosiocima zahtjeva za rješavanje stambenih potreba pružena je stručna pomoć, kako njihovi zahtjevi ne bi bili odbačeni, a stručna pomoć je pružana i za ostvarivanje drugih prava u upravnom postupku.

Izrađen je i nacrt registra spomenika i spomen obilježja za odbrambeno-oslobodilački rat 1992-1995.

## **f) Socijalna zaštita**

Ostvarena je kvalitetna saradnja sa rukovodstvom Centra za socijalni rad. Pružena je pomoć najugroženijim kategorijama penzionera i ostalim socijalno ugroženim i nacionalnim manjinama kroz jednokratne pomoći, a u okviru planiranih sredstava.

Služba je učestvovala u izradi Strategije socijalnog uključivanja i inkluzije i Strategije za rješavanje pitanja nacionalnih manjina. Na višim nivoima vlasti uticalo se na realizaciju Revidirane strategije u rješavanju stambene problematike Romske populacije, realizacije Akcionog plana obrazovne problematike romske populacije. Provedene su procedure i aktivnosti u vezi sa besplatnom dodjelom udžbenika i školskog pribora učenicima Romske populacije, realizacije kao i dodijele premije zdravstvenog osiguranja za iste

### **g) Izbjeglice i raseljena lica**

U ovoj oblasti Služba je pored redovnih poslova vezanih za status, smještaj i zdravstvenu zaštitu izbjeglica i raseljenih lica pružala stručnu pomoć u rješavanju problema ove populacije i inicirala rješavanje pitanja snabdijevanja vodom izbjegličkih naselja na Drafnićima i Lendićima., ažurirana je i baza podataka o istima, urađen je i Nacrt Pravilnika o korištenju slobodnog stambenog prostora u izbjegličkim naseljima. Vršene su pripreme za realizaciju projekta CEB II (Zatvaranje kolektivnih centara kroz omogućavanje javnih stambenih rješenja u BiH). Redovno se radilo na poboljšanju materijalnog i socijalnog položaja ove populacije.

### **h) Informatika**

U oblasti informatike urađeno je sljedeće: tehnička podrška održavanju sistema Centralnog matičnog registra FBiH što je podrazumljevalo prilagođavanje 14 računara u Općini Gračanica za rad sa novim verzijama aplikacije matičnog registra kako po pitanju instalacija samog softvera tako i po pitanju postavljanja sigurnosnih postavki. Svakodnevno se pružala tehnička podrška u procesu funkcionisanja elektronskog matičnog registra, a redovno su vođene i evidencije o svim intervencijama na opremi koja se koristi u sistemu CMR-a. Vršen je nadzor nad Lotus bazom programa za upravljanje dokumentima, te redovno čišćenje baze programa za upravljanje dokumentima od pogrešnih ili poništenih stavki, otvarane su nove vrste predmeta u Lotus Notes Plus aplikaciji, kao i ažuriranje starih vrsta predmeta te izrada novih elektronskih dokumenata vezanih za te predmete. Izvršeno je podešavanje postavki i usklađivanje obrazaca sa novonastalim izmjenama za sve vrste predmeta za koje je to bilo potrebno, a koje se koriste u Općini Gračanica u sklopu Lotus Plus baze programa za upravljanje dokumentima.

- i) Ažurirani su prava pristupa u Lotus Notes Plus bazi programa za upravljanje dokumentima na nivou baze i na nivou dokumenata. Pružena je tehnička podrška održavanju sistema trezorskog poslovanja, evidenciji IDDEEA-e što podrazumjeva tehničku podršku na sistemu provjera matičnih podataka i tehničku podršku funkcionisanju sistemu registra novčanih kazni, i podrška u pripremi izbornog procesa.
- j) Rađena je zaštita podataka na 4 servera svakih 15 dana, te pohranjivanje zaštitne kopije baza na dvije lokacije, kao i svakodnevna zaštita podataka elektronskog matičnog registra.
- k) Na 13 računara izvršeno je potpuno postavljanje kompletnog sistema što podrazumjeva instalacije operativnog sistema, aplikativnih programa, štampača i skenera, prebacivanje podataka i umrežavanje.
- l) Svakodnevno su se otklanjali kvarovi na mreži i računarskoj opremi i podešavanja aplikacija za potrebe uposlenika Općine. Vodila se evidencija o raspodjeli nabavljene informatičke opreme, evidencija o otklonjenim kvarovima tokom godine, evidencija o stradaloj ili premještenoj informatičkoj opremi, evidencija o otpisu stradale ili zastarjele informatičke opreme, izvršeno je prebacivanje stare verzije antivirusnog programa na novu verziju za svih 100 korisnika.

### **i) Podrška Agenciji za identifikaciona dokumenta, evidencije i razmjenu podataka**

U ovoj oblasti Služba je radila na uspostavljanju minimalnih standarda bezbjednosti i zaštite podataka koje Agencija za identifikaciona dokumenta, evidenciju i razmjenu podataka propisuje u skladu sa propisima.

### **j) Oblast ljudskih resursa**

U oblasti ljudskih resursa u ovom izvještajnom periodu uredno i pravovremeno su obavljani svi poslovi iz oblasti radnih odnosa u vezi sa ostvarivanjem prava i dužnosti državnih službenika, namještenika, savjetnika i

funkcionera.

Usvojen je Pravilnik o kancelarijskom i arhivskom poslovanju i Lista kategorije registraturne građe sa rokovima čuvanja, a radi se i na usvajanju **Pravilnika o plaćama i naknadama plaća uposlenika Jedinstvenog općinskog organa uprave Općine Gračanica i Pravilnika o unutrašnjoj organizaciji.**

Uredno su vođene dvije matične knjige zaposlenih - unos podataka zaposlenih, kao i unos podataka o uposlenicima u bazu podataka personalne službe. Kontinuirano se razmjenjuju informacije sa Zavodom za penzijsko i invalidsko osiguranje Federacije i Zavodom za zdravstveno osiguranje.

Proveden je javni poziv za prijem lica visoke stručne spreme na stručno osposobljavanje bez zasnivanja radnog odnosa 2015/2016 te su obavljani svi poslovi: pribavljanje potreba od strane privrednih subjekata, Javnih ustanova, pisanje teksta javnog poziva, sačinjavanje liste kandidata, obavjesti prijavljenim kandidatima, izrada i realizacija odluka, programa, ugovora o stručnom osposobljavanju, prijava poreskoj upravi i zavodu za zapošljavanje i odjave osiguranja po završenom osposobljavanju

**U izvještajnom periodu angažovano je 73 lica na stručno osposobljavanje bez zasnivanja radnog odnosa, od čega je u općinskim službama raspoređeno 15 lica, a ostali su raspoređeni u privrednim subjektima, Opštinskom sudu i Javnim ustanovama /školama.**

Sačinjeno je više različitih pregleda, informacija, dopisa koji su dostavljeni općinskom načelniku, računovodstvu, Zavodu za statistiku, Agenciji za državnu službu Federacije, Federalnom ministarstvu unutrašnjih poslova, Federalnom ministarstvu pravde, Ministarstvu za rad, socijalnu politiku i povratak pripremljena i prosljeđena informacija općine i javnih ustanova osoba VSS koji su odradili ili još uvijek rade na odrađivanju pripravničkog/stručnog osposobljavanja i sl.

U kontinuitetu su izvršeni svi poslovi u skladu sa Zakonom o matičnim knjigama i podzakonskim propisima, Porodičnim zakonom FBiH i Zakonom o državljanstvu BiH, kao i uputstvima donesenim na osnovu tih zakona (ispravke, dopune i upisi u MKR, MKV, MKU, te upisi u KDFBIH), izdavanje izvoda i uvjerenja iz istih, te vršenje svih promjena, ispravki, dopuna i dostavljanje izvještaja iz istih knjiga.

Promjenom zakonske regulative ( u zadnje dvije godine) došlo je do povećanja obima posla, tako da se upis činjenice rođenja i smrti, koja se upisivala prema mjestu rođenja, sada upisuje prema posljednjem prebivalištu majke odnosno posljednjem prebivalištu umrle osobe.

Za sva rođenja i smrti koje su se desile u zdravstvenim ustanovama, službeno se šalju prijave, pa je matičar dužan sve promjene vraćati na zakonom predviđene ustanove. Također, po službenoj dužnosti, matičar prosljeđuje obrazac JMB-1 CIPS-u radi određivanja JMB.

Od trenutka kada je profunkcionisao Centralni jedinstveni matični registar FBiH, izvodi i uvjerenja iz MK-a mogu se izdavati u bilo kojoj općini što to je dodatno povećalo broj građana koji dolaze u općinu po ista. Poslovi upravnog rješavanja obuhvataju poslove pružanja adekvatne pomoći stranci u popunjavanju zahtjeva (ispravke, dopune, upisi u MKR, MKV, MKU, te upisi u MKD), uputa o dostavljanju validnih dokumenata uz zahtjev i dr.

#### **k) Nevladin sektor i mladi**

U ovoj oblasti uspostavljena je čvršća saradnja sa nevladinim organizacijama, pružena stručna pomoć u izradi projekata, nevladine organizacije su finansirane **samo putem projekata**, vođene su aktivnosti oko raspodjele budžetskih sredstava za sufinansiranje ili finansiranje projekata iz oblasti kulture, socijalne sigurnosti, ekologije i sporta.

U izvještajnom periodu provedene su aktivnosti i procedure oko Javnog poziva NVO za 2016 godinu.

## **l) Izborni proces**

Obavljani su poslovi iz nadležnosti Centra za birački spisak u skladu sa Pravilnikom o vođenju i upotrebi Centralnog biračkog spiska, pružanje tehničke pomoći općinskoj izbornoj komisiji, vršenje unosa i obrada podataka te unos i obrada rezultata izbora, vršenje elektronske obrade podataka imenovanih biračkih odbora u osnovnoj izbornoj jedinici.

Služba je pored navedenih poslova obavljala dostavu materijala za sjednice Općinskog vijeća, razne nabavke, pripremu i posluživanje napitaka, obezbjeđenje zgrade, poslove na telefonskoj centrali, dopremu i podjelu sanitetskog materijala za paraplegičare, premještanje namještaja i računarske opreme, razne popravke, poslove vozača i druge zajedničke poslove za sve službe.

## **m) Javne ustanove**

Intenzivirana je saradnja sa javnim ustanovama Bosanski kulturni centar, Centar za socijalni rad i Dječije obdanište „Naša djeca“, kao i aktivnosti na rješavanju problema sa kojima se susreću u radu.

Pored telefonskih kontakata organizovani su i sastanci na kojima se razgovaralo o problemima u navedenim ustanovama i tražila rješenja za nastale probleme.

U JU Dječije obdanište „Naša djeca“ je zbog poboljšanih uslova boravka djece, povećanih sadržaja i kvaliteta sadržaja predškolskog obrazovanja, kvalitetnije ishrane i poboljšane higijene objekata povećan broj djece tokom cijele godine. Ustanova je renovirala objekte, uspjeli su okrečiti sav prostor u Centralnom objektu i u objektu „Luke“. Isto tako uspjeli su dovršiti jednu prostoriju (učionicu), tako da su uveli grijanje, izmjestili klimu i opremili magacin za materijal i hranu. U Centralnom objektu u cilju bezbjednosti djece uveli su video nadzor, a u objektu „Grades“ uvedena je klima uređaj. U istoj godini su uspjeli nabaviti neophodnu opremu (kosilica za travu, frižider, usisivači, protiv požarne aparate, dvd, kasetofone, muzičku liniju, bešike za djecu, hranilice i sl.). U prethodnoj godini su napravili i ulaganja u nabavci didaktičkog materijala Djeca vrtičkog uzrasta uz cjeloviti razvojni program koji pohađaju imaju organizovane i specijalizirane programe iz oblasti engleskog jezika, a sa početkom 2017 godine i muzičkog odgoja. Sva djeca su obuhvaćena ovim programom, a sredstva su obezbijeđena u budžetu Općine.

Za JU Dječije obdanište „Naša djeca“, kao i za ostale javne ustanove podnijet će se poseban opširniji izvještaj.

## **OBLAST KOMUNALNIH POSLOVA**

U 2016. godini su završeni radovi na Rekonstrukciji i proširenje sistema za prikupljanje i odvođenje fekalnih i oborinskih voda za gradsko područje Gračanice. Po investicijskoj vrijednosti, obimu posla i značaju za lokalnu zajednicu sa aspekta zaštite okoliša ovo je veoma važan projekat. Raspoložemo sa 16 km nove kanalizacione mreže.

U oblasti komunalnih poslova vršena je koordinacija i nadzor nad redovnim komunalnim poslovima: održavanje čistoće grada, održavanje zelenih parkova i zelenih površina, prikupljanju i odlaganju komunalnog otpada, održavanju javne rasvjete. Svi nabrojani poslovi obavljani su uspješno i bez zastoja, a prema raspoloživim novčanim sredstvima. Prikupljanje i odlaganje komunalnog otpada zajedničkom saradnjom JP KOMUS i Općine uspješno je u 2016. godini prošireno na nove mjesne zajednice. U toku 2016.godine J.P. Komus je akcenat poslovnih aktivnosti stavio na obezbjeđenje sredstava za završetak projekta „Integralno upravljanje otpadom na području općine Gračanica-selektivno odvajanje otpada na području općine“. Implementirala se III faza projekta kojeg je podržao Fond zaštite okoliša dok je istovremeno poslan zahtjev za finansiranje i IV faze ovog projekta (ujedno i posljednje) kojom bi obezbijedili kante za korisnike usluga u MZ Babići, St.polje, Doborovci Gornji i Donji i Rašljeva. Izvršena je nabavka 2430 kanti. Potpisan je ugovor i u 2017.godini će na deponiji „Grabovac“ biti postavljena kolska vaga čime ćemo imati pouzdane podatke o količini otpada koja se deponuje, kao i količinama ambalažnog otpada koji se odvojeno prikuplja. Svi korisnici usluga Komusa, stari i oni koji će to postati,

moгу na korištenje dobiti kantu od 120 l i vreće za selektivno odvajanje. Prepoznati smo u cijeloj BiH kao općina za primjer dobre prakse.

U decembru 2016.godine raspisana je nabavka za izvođenje radova izgradnje I faze zelene pijace. Ista će biti realizovana u 2017.godini, predračunske vrijednosti cca 117.000,00 KM, a što je još jedan kapitalan projekt čiji završetak je od koristi za sve stanovnike općine.

Tradicionalni gračanički Vašer organiziran je i održan na uobičajeni način. Osim velike gužve, nisu zabilježeni nikakvi incidenti. Poslovi zimskog održavanja, vršili su se kontinuirano i bez poteškoća, prema usvojenom planu zimskog održavanja grada.

Izgradnja nove i održavanje postojeće javne rasvjete vršeno je kontinuirano. U centru, u pješačkoj zoni postavljena je potpuno nova, energetska efikasna javna rasvjeta koja je proširena i na bočne ulice-prolaze.

Zbrinjavanje napuštenih životinja koje obavlja JP Vetrinarska stanica odvijalo se bez većih problema. Nije zabilježen povećan broj pasa lualica.


## **PROSTORNO UREĐENJE**

### **a) Rad po zahtjevima pravnih i fizičkih lica**

Odjeljenje za prostorno uređenje tokom godine zaprimilo je i rješavalo predmete iz svoje nadležnosti po zahtjevima pravnih i fizičkih lica. U Odjeljenju za prostorno uređenje povećan je broj zahtjeva za urbanističke saglasnosti, odobrenja za građenje i upotrebne dozvole prosječno za 25% u odnosu na prethodnu godinu. To je pokazatelj novih investicija u 2016. godini i pozitivnih trendova u građevinarstvu. U oblasti pravnih lijekova protiv upravnih akata zabilježen je pad broja izjavljenih žalbi za 46%. Pregled predmeta Odjeljenja za prostorno uređenje dat je u TABELI 1.

VRSTA ZAHTJEVA		ZAPRIMLJENO PREDMETA
1.	Privremeno korištenje i zauzimanje javne površine	56
2.	Urbanistička saglasnost	403
3.	Legalizacija objekta, nakanadno rješenje o urbanističkoj i nakanadno odobrenje za građenje	189
4.	Odobrenje za građenje objekta	173
5.	Tehnički prijem objekta i upotrebna	118
6.	Komunalne naknade za priključak na vodovodnu mrežu	42
7.	Uvjerenja i izvodi za priključak na elektromrežu	58
<b>UKUPNO</b>		<b>1039</b>

TABELA 1-podaci za 2016. Godinu



### b) Prostorno planska dokumentacija

Intenzivna izgradnja privrednih objekata u toku 2016. godine zabilježena je na prostoru obuhvata Regulacionog plana "Radna zona I". U maju 2016. godine donesena je Odluka o izmjeni Odluke o pristupanju izradi izmjena i dopuna Regulacionog plana „Radna zona I“ Gračanica jer je prihvaćena inicijativa privrednika koji posjeduju zemljište u obuhvatu plana da sami investiraju izradu izmjena ovog detaljnog planskog dokumenta. Održana su dva sastanka sa nosiocem izrade Plana i uskoro bi trebala početi javna rasprava o nacrtu planskog dokumenta.

Od oktobra 2016. godine aktuelna su pitanja Izmjena i dopuna Prostornog plana TK 2005-2025, Služba je kontinuirano prikupljala inicijative i prijedloge za izmjene i uputila ih nadležnom Ministarstvu i aktivno se uključila u ovaj proces.

### c) Izgradnja objekata

U izvještaju za 2015. godinu konstatovano je povećanje broja objekata u izgradnji, a u 2016. taj broj je značajno povećan. U TABELI 2 dati su podaci o poslovnim objektima za koje su u toku godine izdata odobrenja za građenje.

INVESTITOR	OBJEKAT	LOKACIJA	korisna
Hodžić Nihad i Alma ("TRING" d.o.o.)	Poslovni-upravna zgrada	Gračanica	590 m <sup>2</sup>
"HIS" s.z.r. vl. Agić H.	Proizvodni-izrada kožne galanterije	Pribava	360 m <sup>2</sup>
"ZEKA COMERC" d.o.o.	Poslovni	Gračanica	280 m <sup>2</sup>
"RPC SUPERFOS" d.o.o.	Proizvodni-dogradnja objekta	Gračanica	8150 m <sup>2</sup>
"KOMUS" d.o.o.	Poslovni-upravna zgrada	Gračanica	333 m <sup>2</sup>
"POLJOPONUDA" d.o.o.	Poslovni	Donja Orahovica	211 m <sup>2</sup>
"MOTOREX" d.o.o.	Poslovni-dogradnja objekta	Donja Lohinja	1380 m <sup>2</sup>



"EFEKT-COMERC" d.o.o.	Poslovni	Gračanica	517 m <sup>2</sup>
"LIMORAD" d.o.o.	Poslovni	Gračanica	584 m <sup>2</sup>
"ELMAS" d.o.o.	Poslovni-dogradnja objekta	Gračanica	367 m <sup>2</sup>
"EDO SLAD" d.o.o.	Poslovni-dogradnja tržnog centra	Gračanica	9142 m <sup>2</sup>
"KLAN PREVOZ" d.o.o.	Poslovni-dogradnja objekta	Gračanica	267 m <sup>2</sup>
"GRIČ-PLAST" o.d.	Poslovni	Gračanica	814 m <sup>2</sup>
"TRGOVIR" d.o.o.	Poslovni	Stjepan Polje	3626 m <sup>2</sup>
"ALIBEGOVIĆ-PLAST" d.o.o.	Poslovni	Donja Lohinja	2790 m <sup>2</sup>
"KLAN PREVOZ" d.o.o.	Poslovni	Gračanica	1102 m <sup>2</sup>
"BENPROM" d.o.o.	Poslovni-dogradnja objekta	Donja Orahovica	380 m <sup>2</sup>
"OXIS OIL" d.o.o.	Poslovni-benzinska stanica	Doborovci	142 m <sup>2</sup>
"BONZO" d.o.o.	Poslovni	Gračanica	1387 m <sup>2</sup>
HALILČEVIĆ DENISA	Poslovni- dogradnja poljop. objekta farme za tov brojlera	Stjepan Polje	789 m <sup>2</sup>
BEGOVIĆ AMIR	Poslovni- izgradnja poljop. objekta farme koka nosilja	Soko	1511 m <sup>2</sup>
HALILOVIĆ ADEM	Poslovni- izgradnja poljop. objekta farme za tov brojlera	Babići	1292 m <sup>2</sup>
<b>UKUPNO NOVIH KVADRATA POSLOVNIH OBJEKTA</b>			<b>36014 m<sup>2</sup></b>

U stambenoj izgradnji-objekti kolektivnog stanovanja izdate su tri građevinske dozvole za izgradnju ukupno 40 stambenih jedinica.

INVESTITOR	OBJEKAT	LOKACIJA	korisna površina
"MIRNA" d.o.o.	Stambeno-poslovni objekat	Gračanica	770 m <sup>2</sup>
OCINA GRAČANICA	Dva stambena objekta	Gračanica	692 m <sup>2</sup>
"M&I INVESTING" d.o.o.	Stambeno-poslovni objekat	Gračanica	3500 m <sup>2</sup>
<b>UKUPNO NOVIH KVADRATA OBJEKTA KOLEKTIVNOG STANOVANJA</b>			<b>4962 m<sup>2</sup></b>
<b>UKUPNO NOVIH STANOVA</b>			<b>40</b>

U izvještaju je takođe potrebno istaknuti da je u centru grada uklonjen jedan od najstarijih ruševnih objekta-objekat stare gvoždare i da se na lokaciji gradi novi stambeno-poslovni objekat spratnosti Po+P+2 korisna površine  $P_k=746 \text{ m}^2$ , investitori Mustafa Mostarlić, Kulović Ekrem i drugi.

Također je izdato odobrenje za uređenje gradske pijace (ograda, nadstrešnica za zelenu pijacu sa prodajom mliječnih i drugih proizvoda, sanitarni čvor, trgovke, česma).

Izdato je odobrenje i izgrađen je novi dio obrazovnog objekta Osnovne škole u Stjepan Polju koja je puštena u rad na početku nove 2016/2017 školske godine, a koja ima korisnu površinu 1264 m<sup>2</sup>.

## **GEODETSKI I IMOVINSKO-PRAVNI POSLOVI**

### **a) Harmonizacija katastarskih i zemljišnoknjižnih podataka**

Prvi sporazum o zajedničkoj implementaciji aktivnosti na sistemu ažuriranja podataka o nekretninama katastra i zemljišne knjige za našu općinu potpisan je za KO Gračanica i KO Gornja Orahovica. Kao prva, za harmonizaciju podataka odabrana je najveća urbana i najsloženija po obimu posla, KO Gračanica sa 11527 parcela i uz nju KO Gornja Orahovica sa 4693 parcele. Tim FGU za realizaciju projekta, u oktobru 2016. godine, objavio je da su ostvareni očekivani rezultati i da je harmonizacija podataka za ove dvije KO uspješno završena. Za katastarske parcele harmonizirani su brojevi (parcele sada imaju jedan, isti, broj) i površine, upisani stvarni vlasnici nekretnina ("očišćen" grunt). Na ovaj način je, bez vođenja dugotrajnih (višegodišnjih) skupih sudskih sporova oko dokazivanja vlasništva nad nekretninama, izvršen upis stvarnih vlasnika. Uspostava nove zemljišne knjige vrši se po podacima novog premjera, a to su podaci koji se nalaze u općinskim katastrima i od strane Općine Gračanica uloženo je dosta dodatnih napora i materijalnih sredstava da poslovi budu uspješno i na vrijeme realizovani. Uspješno završena harmonizacija podataka za KO Gračanica i KO Gornja Orahovica je posao sa kojim se može pohvaliti i Općina Gračanica i Općinski sud Gračanica. Ona je veoma važna za investitora ulaganja jer potencijalni investitori ne žele investirati na zemljištu za koje nije riješeno vlasništvo. Također i bankarski sektor kreditnim linijama prati investicije samo za nekretnine za koje je riješeno vlasništvo (uspostavljanje hipoteka).

U decembru 2015. godine potpisan je drugi sporazum između Općine i FGU o harmonizaciji katastarskih i zemljišnoknjižnih podataka za dvije nove KO i to: KO Donja Lohinja–Pribava i KO Orahovica Donja. Ove dvije KO sa već harmonizovanim KO čine cjelinu prema podacima zemljišne knjige (po starom premjeru), a to su KO Gračanica i KO Orahovica. Poslovi po ovom sporazumu odvijali su se kontinuirano tokom cijele 2016. godine. Harmonizacija se vrši za 5632 parcela u KO Donja Lohinja–Pribava i 7053 parcela u KO Orahovica Donja. Realizacija prve faze poslova, koja se odvija u Općini, predaja baze podataka katastra nekretnina, pregled i ovjera prijavnih listova, pregled i ovjera elaborata o etažiranju stambenih zgrada i sl. je završena. U drugoj fazi poslovi se odvijaju u Zemljišnoknjižnom uredu Općinskog suda.

### **b) Evidencija katastarskih podataka, pregled, distribucija i održavanje i imovinsko-pravni poslovi**

U toku izvještajnog perioda Služba je zaprimila 1063 zahtjeva koji se odnose na poslove provođenja: kupoprodaja, poklon, nasljedstvo, zamjena parcela i sl., poslove provođenja promjena na katastarskom planu: cijepanje, spajanje parcela, promjena kulture, uplanjenje objekata.

Služba je zaprimila 1611 zahtjeva za kopiju plana i 11055 zahtjeva za posjedovne listove. Postignuta je visoka profesionalnost i kvalitet u pružanju šalterskih usluga Katastra, a čemu doprinosi i jedinstven informacijski sistem katastra Federacije Bosne i Hercegovine, Katastar.ba. Svi traženi dokumenti izdaju se odmah, čeka se koliko je potrebno da se traženi dokument izradi.

U postupcima davanja prijedloga i izvođenja radova na sanaciji klizišta, puteva, riječnih korita, mostova i drugih infrastrukturnih projekata vršena su detaljna geodetska snimanja i izrađene skice snimanja lokacija kako bi se lakše mogla izraditi tehnička rješenja za sanaciju ili izvoditi radovi na sanaciji.

U oblasti imovinsko-pravnih poslova prema važećim zakonima u toku 2016. godine redovno su pripremane odluke, rješenja i zaključci za sjednice Općinskog vijeća.

U maju 2016. godini Općina Gračanica bila je domaćin XXIII susreta udruženja "GEODET. Radni dio susreta održan je u multimedijalnoj sali, a gosti su bili direktor FGU Željko Obradović, direktorica Projekta izgradnje kapaciteta za poboljšanje zemljišne administracije i procedura u BiH, Anđa Zimonjić. Harmonizacija je bila glavna tema na radnom dijelu susreta.

## **CIVILNA ZAŠTITA**

U izvještajnom periodu u Službi za civilnu zaštitu realizovano je 205 predmeta - akata, od čega se 85 predmeta odnosi na izvršavanje poslova u komunikaciji sa Kantonalnom upravom i Kantonalnim štabom civilne zaštite.

U skladu sa Programom rada Općinskog vijeća Gračanica za 2016. godinu Služba za civilnu zaštitu je pripremila i predložila dvije teme koje su razmatrane i usvojene: Informacija o realizaciji aktivnosti na zaštiti od požara na području općine Gračanica u 2015. godini i Informacija o stanju zaštite ljudi i materijalnih dobara od neeksplozivnih ubojnih sredstava u 2016. godini.

Pored navedenih materijala na radnim sjednicama Općinskog štaba civilne zaštite razmatrani su i usvojeni: Izvještaj o radu OpŠCZ za 2015. godinu, Program rada opŠCZ za 2016. godinu, Izvještaj o realizaciji Godišnjeg plana prikupljanja, raspodjele i korištenja sredstava posebne naknade u 2015. godini, Godišnji plan prikupljanja, raspodjele i korištenja sredstava posebne naknade za 2016. godinu, Procjena ugroženosti i Plan zaštite i spašavanja ljudi i materijalnih dobara od prirodnih i drugih nesreća. Općinski štab civilne zaštite je putem Službe za civilnu zaštitu obradio i realizovao 38 predmeta ( naredbe i odluke).

Na svečanoj sjednici Štaba dodijeljena su priznanja i nagrade pojedincima i organizacijama povodom 1.marta-Dana civilne zaštite.

### **Zaštita i spašavanje od prirodnih i drugih nesreća**

I u 2016. godini prioritetne aktivnosti Općine Gračanica, pa i Službe za civilnu zaštitu bile su usmjerene na otklanjanju posljedica prirodne nesreće i iznalaženje dodatnih sredstava za sanaciju nastalih šteta i završetak započetih projekata za obezbjeđenje uslova za život i rad građana na pogođenim područjima.

Poznato je da su prirodne nesreće od poplava i klizišta i u 2016. godini izazvale značajne materijalne štete na stambenim i infrastrukturnim objektima.

Tako je 28.07.2016. godine sjeverne dijelove općine Gračanica (mjesne zajednice Prijeko Brdo Džakule, Buk, Doborovce, G.Goborovce, Soko) pogodilo nevrijeme sa velikom količinom kiše, što je dovelo do naglog porasta vodostaja vodotoka u tim mjesnim zajednicama, a sve se to odrazilo i na rijeku Sokolušu, koja je u naselju Pašalići izlila na regionalni put i otežala odvijanje saobraćaja, poplavila dio vodozaštitne zone sa bunarima JP "Vodovod i kanalizacija", ugrozila nekoliko stambenih objekata u tom naselju i oštetila poljoprivredne kulture oko korita. Na nekoliko mjesta bujica je na put iznijela određene količine zemlje, ali je preduzeće "Roading" sve to blagovremeno otklonilo, tako da nije bilo dužih prekida saobraćaja. Sve lokacije na kojima je došlo do određene štete obišli su i uposlenici Službe za civilnu zaštitu.

Od posledica nevremena velike štete prouzrokovane su i u MZ Prijeko Brdo, Gornji Doborovci i Gračanica.

Neposredno nakon prirodnih nesreća koje su se desile, nakon što je Komisija za procjenu šteta utvrdila nastalu štetu, prioritetne aktivnosti Općinskog načelnika i službi za upravu bile su u otklanjanju posledica prirodne nesreće na području općine Gračanica i sanaciji infrastrukturnih objekata. Tako su privremeno sanirani putevi, sanirano preko 20 klizišta i odrona, saniran dio Babičkog potoka, čišćenje korita rijeke u Prijekom Brdu, sanacija mosta u Prijekom Brdu i druge aktivnosti.

Zajedno sa Federalnim fondom za pomoć nastradalim područjima od prirodne nesreće na teritoriji Federacije BiH i Američkom agencijom za međunarodni razvoj ( USAID) i UNDP, Općina Gračanica je sufinansirala izgradnju 8 novih stambenih jedinica po principu “ ključ u ruke” u MZ Lukavica.

Svečana primopredaja i uručenje ključeva korisnicima izgrađenih stambenih objekata izvršena je 18.05.2016. godine u MZ Lukavica (Devedžić Ibrahim, stambeni obejekat površine od 39,65 m<sup>2</sup>, Hasić Lija, stambeni obejekat površine od 73,8 m<sup>2</sup>, Ćurić Almir, stambeni obejekat površine od 57,75 m<sup>2</sup>, Subašić Husein, stambeni obejekat površine od 43,55 m<sup>2</sup>, Devedžić Asim, stambeni obejekat površine od 43,55 m<sup>2</sup>, Hasanamidžić Ibrahim, stambeni obejekat površine od 43,55 m<sup>2</sup>, Brkičević Bećir, stambeni obejekat površine od 39,65 m<sup>2</sup> i Mulalić Ferida, stambeni obejekat površine od 37,20 m<sup>2</sup>).

Pored izgradnje novih stambenih objekata, značajan iznos finansijskih sredstava u iznosu od 225.000,00 KM namjenski je usmjeren i podijeljen za 78 građana kao jednokratnu pomoć za sanaciju porušenih i oštećenih stambenih objekata od posledica prirodne nesreće.

U izvještajnom periodu u Službi za civilnu zaštitu realizovano je 205 predmeta - akata, od čega se 85 predmeta odnosi na izvršavanje poslova u komunikaciji sa Kantonalnom upravom i Kantonalnim štabom civilne zaštite. Općinski štab je u 2016. godini održao tri sjednice, od čega 2 radne i 1 svečana, povodom Dana civilne zaštite 1.marta Općinski štab civilne zaštite. Na svečanoj sjednici Štaba dodijeljena su priznanja i nagrade pojedincima i organizacijama povodom 1.marta-Dana civilne zaštite.

Kontinuirano je vršen pritisak na više nivoa vlasti, javna preduzeća kantonalnog, federalnog i državnog nivoa da preduzimaju mjere iz svoje nadležnosti kako bi se sprečavalo negativno dejstvo voda na objekte, komunikacije i zemljište. Neki od njih su i izvršili određene zahvate, neki su u fazi pripremanja projektna dokumentacije, kako bi se moglo aplicirati na sredstva međunarodnih finansijskih institucija, jer država, a pogotovo lokalne zajednice ne mogu se nositi sa ovim posljedicama.

### **Zaštita i spašavanje od neeksplozivnih ubojnih sredstava**

I u 2016. godini aktivnosti na provođenju preventivnih i oprativnih mjera zaštite i spašavanja od neeksplozivnih ubojnih sredstava i minsko eksplozivnih sredstava (u daljem tekstu NUS-a i MES-a) su bile među važnijim aktivnostima.

Provođenje ove mjere zaštite i spašavanja vršeno je kroz nekoliko važnih aktivnosti, a to su:

- preuzimanje, uklanjanje, skladištenje i uništavanje NUS-a i MES-a,
- saradnja sa TUN timovima FUCZ i KUCZ, predstavnicima EUFOR-a, jedinicama Oružanih snaga BiH i policije, vezano za preuzimanje, uklanjanje i uništavanje NUS-a i MES-a,
- saradnja sa BH MAC-om, Ured u Tuzli u cilju obrade projekata sumnjivih površina od mina i njihovog kandidovanja za postupke deminiranja, tehničkog izviđanja i trajnog obilježavanja.


Služba za civilnu zaštitu je zaključno sa 31.12.2016. godine u 16 preuzimanja prikupila 4308 komada različitih neeksplozivnih i minskoeksplozivnih sredstava, bilo u službenim prostorijama, bilo na terenu. Upućeno je 24 zadataka „ A“ TUN timu Federalne uprave civilne zaštite za preuzimanje i uništavanje prikupljenih sredstava.

Sva prikupljena sredstva zaključno sa 31.12. 2016. godine su predata „ A“ TUN timu na uništavanje.

Broj prikupljenih neeksplozivnih ubojnih sredstava u 2016. godini je nešto veći od prethodne godine zbog velikog broja petardi (2362) primljenih od Općinskog suda u Gračanici oduzetim u prekršajnim postupcima.

Broj neeksplozivnih i minsko-eksplozivnih sredstava zaostalih iz rata i dalje ima trend smanjivanja i po broju i raznovrsnosti, što smanjuje opasnost po život i zdravlje ljudi namjernom ili nenamjernom upotrebom. Bez obzira na ove činjenice, ova i dalje prisutna opasnost stavlja pred Službu za civilnu zaštitu i strukture koje se

bave ovom problematikom obavezu još aktivnijeg rada na prikupljanju tih sredstava i upozoravanju stanovništva na opasnosti od njih, te promociju dobrovoljne predaje i prijavljivanja takvih sredstava nadležnim organima. Ovo se nameće kao imperativ, pogotovo nakon pogoršanja sigurnosne situacije u cijelom svijetu.



## Deminiranje

Ukupna sumnjiva površina od mina na području općine Gračanica iznosi 7.664.859 m<sup>2</sup>, što je 3,61 % ukupne površine općine (212,2 km<sup>2</sup>).

Sumnjive-rizične površine su prostori između bivših linija konfrontacije AR BiH i VRS, što potvrđuju i minske nesreće koje se dešavaju na tim površinama, a te površine su najveće na sjevernom dijelu, odnosno Trebavskom dijelu teritorije općine, u dijelu Lendića i manjem dijelu Stražbe.

U općinskom planu deminiranja za 2016. godinu Kantonalnoj upravi civilne zaštite i BH MAC-u predloženo je 17 projekata, uglavnom sa područja Lendića i Skipovca i jedan na Stražbi, ukupne površine 2.591.849 m<sup>2</sup>.

Na osnovu aplikacije prema Vladi SR Njemačke i potpisanom pismu namjere Općinskog načelnika o sufinansiranju deminiranja ( u iznosu od 10%) u 2016. godini realizovana su 3 projekta, jedan u rejonu Visa, jedan u rejonu Sijedog Krša i jedan na Stražbi, ukupne površine od 168.060 m<sup>2</sup>, ukupne vrijednosti od 243.830,84 KM.

Međutim, kao i ranijih godina i u 2016. godini, ekonomska kriza je doprinijela da je sve manje donatorskih sredstava za deminiranje iz međunarodnih fondova, a država, Federalne i kantonalne institucije i općine nisu u mogućnosti da značajnije podrže ovaj segment sigurnosti građana, iz svojih izvora.

Pored navedenih načina borbe sa minama-deminiranja, važan vid djelovanja na ovom planu je i edukacija svih kategorija stanovništva o postojanju mina u okruženju u kojem žive, a provode je Služba za civilnu zaštitu, škole, razna udruženja građana, nevladine organizacije, humanitarne organizacije i institucije vlasti. Ovaj vid stvaranja svjesnosti o postojanju mina provodi se putem edukacija u školama, organizovanjem kurseva i radionica, preko informativnih brošura i letaka, putem printanih i elektronskih medija i sl., a posebno treba istaknuti saradnju sa Općinskom organizacijom crvenog križa Gračanica. Ova saradnja je najintenzivnija u organizovanju i provođenju takmičenja učenika osnovnih škola na temu upozoravanja na opasnost od mina koje se održava svake godine.

Općinsko takmičenje održano je u Osnovnoj školi „Soko” u Sokolu 25.10.2016. godine uz učešće 11 ekipa, po 3 učenika, a pobjednička je OŠ ”Miričina” iz Miričine.


Općina Gračanica je bila organizator i kantonalnog takmičenja na ovu temu, koje je održano 29.11.2016. godine, uz učešće 13 ekipa, po 3 učenika iz svih općina Tuzlanskog kantona. Pobjednik ovog takmičenja je bila ekipa općine Gračanica-OŠ „Miričina” iz Miričine, koja je učestvovala na Federalnom takmičenju i zauzela 4 mjesto.

Edukacija se vrši i putem programa Radio Gračanice, Televizije Tuzlanskog kantona, dopisništva Dnevnog avaza, web stranice općine Gračanica, kao i upozorenja putem plakata, lecima i drugim propagandnim materijalom.

U periodu od 2000.godine kada je počeo proces deminiranja na području općine, do 31.12.2016. godine, deminirana je površina od 1.376.605,05 m<sup>2</sup>, svrstana u 44 projekta, a najviše ih je bilo iz programa deminiranja obale i korita rijeke Spreče, zatim Skipovca, Lendića i 1 projekat na Stražbi.

Do sada su na području Općine Gračanica realizovana tri projekta trajnog obilježavanja na rejonu Visa ( prema Skipovcu) gdje se nalaze površine III kategorije ( šume i šumsko zemljište).

Obzirom da je da je Zakonom o deminiranju (“Službene novine Federacije BiH”, broj: 57/02 ) propisano da je Ured BH MAC-a odgovoran za vođenje operacija upoznavanja s minama, obilježavanje mina, izviđanje i uklanjanje mina, od istih smo tražili da permanentno provođenje aktivnosti na održavanju minskih ograda i znakova upozorenja na opasnost od mina na terenu.



Pregled deminiranih površina općine Gračanica u periodu 1997. - 2016. godina

Ukupna deminirana površina: P = 1.376.601,30 m<sup>2</sup>

## Zaštita od požara

U 2016. godini Profesionalna vatrogasna jedinica Gračanica imala je 51 intervenciju, od čega su 43 protivpožarne, a 8 je bilo tehničkih, dok je na području drugih općina (Doboj Istok i Petrovo) PVJ imala 3 intervencije.

U protivpožarnim i tehničkim intervencijama učestvovala su: 153 vatrogasca PVJ Gračanica, 117 u redovnoj smjeni i 36 u vanredno angažovanih.

U intervencijama PVJ Gračanica u općini Doboj Istok i Petrovo učestvovalo je 7 redovno angažovanih i 5 vanredno angažovanih vatrogasaca.

Zaključno sa 31.12.2016. godine servis za pregled i servisiranje vatrogasnih aparata koji radi u sklopu PVJ Gračanica pregledao je i servisirao 2028 aparata za početno gašenje požara tipa „S“ i 125 CO<sub>2</sub> aparata.

**Takođe, vršen je i prevoz vode : za kolektivni centar Drafnići u Gračanici 28 cisterni, dok je 18 cisterni bilo u komercijalne svrhe, a 31 cisterna je utrošena na zalivanje terena na stadionu NK „Bratstvo“ u ljetnim mjesecima.**

U toku godine PVJ Gračanica je vršila i protivpožarno osiguranje kod obilježavanja značajnih datuma i događaja kojima je organizator i pokrovitelj bila Općina Gračanica (Nova godina, Dan Općine, obilježavanje godišnjice bitke na Visu, nogometnih utakmica na gradskom stadionu, Sajam “Grapos Expo”), a vršila je i protivpožarne intervencije na području općine Doboj Istok i Petrovo.

Oprema i sredstva sa kojima raspolaže jedinica iz godine u godinu zastarijeva, tako da njihova funkcionalnost i upotreba umanjuje spremnost i operativne aktivnosti djelovanja PVJ Gračanica. Da bi poboljšali zaštitu od požara na području općine Gračanica, a time prevazišli trenutno stanje i dotrajalosti postojeće vatrogasne cisterne FAP-a 13/14, potrebno je pod hitno iznaći sredstva za nabavku **Auto - cisterne** sa spremnikom vode većeg kapaciteta (od 10.000-12.000 litara vode), spremnikom za pjenilo 500 litara, visokotlačnom pumpom i ostalim pratećim komponentama, koja bi se upotrebljavala za samostalno gašenje požara, odnosno kao prateće vozilo prilikom intervencija, a u sušnom periodu bi se mogla koristiti i za snabdijevanje stanovništva vodom za piće.

Zajedno sa Policijskom upravom Gračanica, Služba za civilnu zaštitu je preko sredstava informisanja upućivala upozorenja građanima na preduzimanje svih preventivnih mjera prilikom izvođenja radova na spaljivanju korova i otpada u neposrednoj blizini šuma, stambenih i poslovnih objekata, na izletištima i slično.

## **Prva medicinska pomoć**

Prva medicinska pomoć kao mjera zaštite i spašavanja vršena je u saradnji sa zdravstvenim ustanovama, Crvenim križem i drugim ustanovama koje se direktno ili indirektno bave ovom djelatnošću, a sastoji se u praćenju higijensko-epidemiološke situacije, prikupljanju rezervi krvi, edukacijom i zdravstvenim prosvjećivanjem građana, kao i na druge načine.

Tako je 12.04.2016. godine u organizaciji Općinske organizacije crvenog križa, 12.04.2016. godine u Gračanici održano takmičenje učenika osnovnih škola u pružanju prve medicinske pomoći. Pobjednik takmičenja bila je ekipa OŠ “Miričina” iz Miričine.

Po pozivu Opće bolnice Gračanica u 2016. godini, u Službi transfuzije krv je dalo 1600 davalaca, dok podatke o broju samostalnih i ciljanih dobrovoljnih davalaca u JZU UKC Tuzla za 2016. godinu Služba za CZ nije dobila. Ukupno je u 2016. godini krv dalo 1785 davalaca, bez podataka CDK iz UKC Tuzla, što od planiranih 1573 za općinu Gračanica iznosi 113,47 %.

Prema planu Poliklinike za transfuziologiju u 2016. godini, održano je 6 redovnih akcija (MSŠ-1, Gimnazija-1, MP Fortuna-2, MZ Gračanica-2). Akcijama darivanja krvi odazvala su se 302 davaoca, krv je dalo njih 199, a 103 su odbijena zbog različitih zdravstvenih problema.

Putem Higijensko epidemiološke službe-HES Doma zdravlja Gračanica praćeno je kretanje zaraznih bolesti koje je ova služba registrovala u 2016. godini. Prema njihovim izvještajima, zaključno sa novembrom mjesecom zabilježena su 463 pojave različitih zaraznih i parazitskih oboljenja, ali prema tim nije bilo potrebe za proglašavanjem stanja epidemije neke bolesti. Gore navedena statistika je pokazatelj da su sve ustanove i preduzeća koja brinu o zdravlju ljudi preduzimale sve preventivne mjere, kako bi se spriječile pojave zaraznih bolesti u epidemijском obliku.

Doprinos tome su dali JZU Dom zdravlja, Opšta bolnica “Dr. Mustafa Beganović”, JP Veterinarska stanica, JP Vodovod i kanalizacija, JP “Komus”, Radio Gračanica putem svog programa i drugi.

## **Zaštita životinja i namirnica životinjskog porijekla**

Na području općine Gračanica u toku izvještajne godine nije bilo obolijevanja životinja u takvom broju da su morale biti angažovane dodatne snage i sredstva. Sve pojedinačne probleme rješavala je Veterinarska stanica Gračanica sa svojim uposlenicima.

Najvažnija aktivnost JP Veterinarska stanica Gračanica na zaštiti životinja bila je plansko preventivno vakcinisanje životinja na Antrax i druge zarazne bolesti. Protiv Antrax-a, vakcinisano je 2532 grla krupne stoke i 2942 ovaca koje su vakcinisane protiv Bruceloze.

Izvršena je dijagnostika na TBC kod 1265 muznog grla, koja su i vakcinisana na Brucelozu i Leukozu.

U septembru mjesecu došlo je do obolijevanja koza i ovaca od bruceloze u 2 domaćinstva-farme u Stjepan Polju. Posredovanjem Službe za civilnu zaštitu, Općinske službe za poduzetništvo, lokalni razvoj i finansije, Ministarstva poljoprivrede, vodoprivrede i šumarstva TK, Kantonalne uprave za inspeksijske poslove Tuzla, Veterinarske stanice koja je nadgledala farme-VeTTeam i JP "Komusa" izvršeno je neškodljivo uklanjanje oboljelih životinja (2 koze, 1 ovca i 1 pas).

## **Zaštita životne okoline**

Zaštita životne okoline je mjera koju na nivou općine u svojim redovnim djelatnostima provode: JP "Komus" na nivou grada, općinski komunalni inspektori, komunalni redari, pravna lica, udruženja građana, kao i sami građani.

Dana 16.04.2016. godine održana je akcija čišćenje okoline "Eko lideri" u kojoj su učešće uzeli i uposlenici Službe za civilnu zaštitu.

U junu mjesecu desio se jedan ekološki incident-uginuće ribe u rijeci Spreči. Po prijavi ERSD "Drijenča" predstavnik Službe za civilnu zaštitu i općinski komunalni inspektor izašli su na rijeku Spreču, na lokalitet mosta za Sočkovac, gdje je primjećena veća količina uginule ribe, a uzrok trovanja je nepoznat. Pored predstavnika Općine Gračanica prisutni su bili i kantonalni vodni inspektor, predstavnici Ekološko-ribolovnog sportskog društva "Drijenča" i predstavnici medija. O zatečenom stanju sačinjen je zapisnik i prijavljeno nadležnim institucijama. U povodu ovog događaja Općina Gračanica i ESRD "Drijenča" su organizovali protestno okupljanje građana u blizini rijeke Spreče pod motom "Dosta ste nas trovali" i konferenciju za medije.



## **PRILOG**

U 2016. godini učinjeni su maksimalni naponi na iznalaženju dodatnih sredstava za sanaciju posljedica prirodne nepogode. Izgrađeni su stambeni objekti za korisnike čiji su domovi uništeni u poplavama, pružene su stambene pomoći u građevinskom materijalu žrtvama poplava, vršene su sanacije i regulacije korita rijeka, klizišta, mostova i puteva kao i sanacija kanalizacionih i vodovodnih sistema.

Obilježavanje značajnih događaja i ličnosti organizovano je primjereno događaju i sa minimalnim utroškom sredstava. Tokom godine organizovano je više kulturno-sportskih i zabavnih manifestacija, sa direktnim učešćem Općine. U izvještajnom periodu uloženi su naponi u održavanju i njegovanju postojećih, te stvaranju novih veza i saradnje sa višim nivoima vlasti, međunarodnim organizacijama, nevladinim sektorom, drugim općinama u Bosni i Hercegovini, lokalnim i drugim sredstvima javnog informisanja i dr.

Treba naglasiti kako je Općinski načelnik u izvještajnom periodu nastojao zadržati izgrađeni nivo otvorenosti prema građanima i javnosti, te kako su napravljeni dodatni koraci na poboljšanju transparentnosti rada lokalne samouprave i pravovremenog informisanja građana o najvažnijim aktivnostima putem web stranice. Tokom cijele godine Općinski načelnik je koristio svaku moguću priliku za medijsku promociju aktivnosti Općine Gračanica. Općinski načelnik je i u toku 2016. godine zadržao praksu gostovanja na lokalnom radiju, stavljajući se tako potpuno i necenzurisano na raspolaganje građanima. Riječ je, dakle, o direktnoj komunikaciji i momentalnom odgovaranju na većinu postavljenih pitanja od strane građana. Sve navedeno ima za cilj unapređenje rada i bolje funkcionisanje Općine kao organa lokalne samouprave.

### ***Pregled važnijih događaja***

**Januar 2016** - Održan je sastanak na temu uklanjanje snijega sa gračaničkih ulica. Na sastanku je dogovorena velika akcija čišćenja snijega u kojoj će biti uključeni JP „Komus“, d.o.o „Roading“ sa mehanizacijom i radnom snagom, uz koordinaciju policije i inspektora.

**Januar 2016** - Održana sjednica Općinskog štaba civilne zaštite Gračanica. Na sjednici su razmatrane sljedeće tačke dnevnog reda: izvještaj o radu Općinskog štaba civilne zaštite Gračanica u 2015. godini, program rada Općinskog štaba civilne zaštite Gračanica u 2016. godini, izvještaj o realizaciji godišnjeg plana korištenja sredstava ostvarenih po osnovu posebne naknade za zaštitu i spašavanje od prirodnih i drugih nesreća na području Općine Gračanica za period od 01.01. do 31.12.2015. godine, godišnji plan korištenja sredstava ostvarenih po osnovu posebne naknade za zaštitu i spašavanje od prirodnih i drugih nesreća na području Općine Gračanica za period od 01.01. do 31.12.2016. godine, razmatranje procjene ugroženosti i plana zaštite i spašavanja ljudi i materijalnih dobara od prirodnih i drugih nesreća za područje Općine Gračanica.

**Januar 2016** - Općinski načelnik je potpisao je ugovor o certifikaciji Općine Gračanica kao područja sa povoljnim poslovnim okruženjem. Ugovor je potpisao sa Regionalnom razvojnom agencijom REDAH. Program Certifikacije povoljnog poslovnog okruženja je namijenjen općinama i gradovima koji imaju kapacitet za uspostavljanje kvalitetnog ambijenta za poslovanje i strateški su opredijeljeni da unaprijede poslovni ambijent, privuku investicije i podstaknu razvoj lokalne ekonomije. Na putu do certificiranja općine trebaju ispuniti 75% od 12 kriterija i više od 80 podkriterija .

**Januar 2016** - Potpisani ugovori sa učenicima srednjih škola i studentima za školsku, odnosno akademsku 2015/2016 godinu. Nakon provedene konkursne procedure i obrađenih 203 zahtjeva, uslove za stipendiju ispunilo je 85 učenika i studenata sa područja Općine Gračanica. Na ovaj broj je dodano po 5 stipendija koje prema odluci Općinski načelnik dodjeljuje za učenike i studente specifična zanimanja, inovatore, izuzetno nadarene sportiste, umjetnike i sl., tako da bi u konačnici trebalo biti dodijeljeno preko 90 stipendija. Visina stipendije na mjesečnom nivou za učenike iznosi 60 KM a za studente 120 KM.

**Februar 2016** - Održana svečana ceremonija otvaranja klizališta na Rukometnom igralištu u Gračanici. Pored kulturno zabavnog programa na ceremoniji otvaranja bili su prisutni dva hokejaška reprezentativca Bosne i Hercegovine.

**Februar 2016** - U industrijskoj zoni u Gračanici asfaltiran puta koja povezuje magistralni put M4 i Sočkovački put. Riječ je o putu koji počinje od tržnog centra „Etna“ pa do izlaza na Sočkovački put. Radi se o projektu koji je podržan od Vlade Švicarske a realizuje se u okviru projekta MarketMakers. Projektom je predviđena izgradnja te izdizanje predmetne saobraćajnice u industrijskoj zoni, na nivo viši za oko 1 m u odnosu na postojeće stanje saobraćajnice kako bi se minimiziralo i/ili onemogućilo plavljenje u slučaju nove prirodne nesreće. Ukupna vrijednost projekta je oko 200.000 KM, u kojem učestvuje MarketMakers sa 165.235 KM a ostali iznos sufinansira Općina Gračanica.

**Februar 2016** - Održan je sastanak sa predstavnicima UNDP-a, u kojem se razgovaralo o projektu “ Jačanje uloge mjesnih zajednica u Bosni i Hercegovini (MZs) ” (2015-2019) na koji je Općina aplicirala u decembru 2015. godine. Vrijednost projekta iznosi 14,5 milijuna KM. Glavni cilj projekta je doprinijeti kvalitetnijem životu građana kroz veće demokratsko učešće i odgovornost prema javnosti, kroz unapređenje usluga na nivou mjesne zajednice, infrastrukturu, te uključivanje socijalno isključenih kategorija. Projekat “Jačanje uloge mjesnih zajednica u Bosni i Hercegovini (MZs)” (2015-2019) predstavlja zajedničku inicijativu i finansiran je od strane Vlade Švedske i Vlade Švicarske.

**Februar 2016** - Općinski načelnik Nusret Helić sa svojim saradnicima je učestvovao na radionici „Program urbanog partnerstva“ u organizaciji Svjetske banke i Republike Austrije. Cilj programa je jačanje kapaciteta jedinice lokalne samouprave u jugoistočnoj Evropi i pružanje praktičnih alata lokalnim izabranicima i službenicima za efikasno upravljanje urbanim razvojem. Predstavljene su tri programske komponente: Samoprocjena finansija lokalnih uprava, Društvena odgovornost, Inicijativa za izgradnju integriteta.

**Februar 2016** - Općinu Gračanica posjetio je Ambasador Republike Češke u Bosni i Hercegovini, Jakub Skalnik. Nakon obilaska OŠ „Soko“ gdje je ambasador uručio počasno priznanje (diplomu) učeniku Softiću za učešće na „Međunarodnoj dječijoj umjetničkoj izložbi LIDICE 2015. godine“, ambasador je zajedno sa pratnjom posjetio i Općinu Gračanica.

**Februar 2016** - Započeti su radovi na sanaciji dijela ulice „Podrinjska“ MZ Gračanica kao i radovi na rekonstrukciji puta „Kotoruša“ MZ Gračanica. Vrijednost projekta za sanaciju dijela ulice „Podrinjska“ je 26.476,87 KM. Put „Kotoruša“ je asfaltiran cijelom dužinom cca. 180 m, a nedavno je na istom putu razvedena i ulična rasvjeta.

**Februar 2016** - Načelnik Nusret Helić i šef Službe za civilnu zaštitu Mustafa Bajić posjetili su MZ Gornja Orahovica. Olujno nevrijeme praćeno kišom i jakim vjetrovom, u srijedu 10.02.2016. godine je zahvatilo i dio naselja Gornje Orahovice, usljed čega je snažan vjetar čupao krovove kuća i stabla. Vjetar je ošteti krov zgrade u koju su pored dva stana smještene i prostorije MZ Gornja Orahovica, mjesnog ureda, zemljoradničke zadruge „Gračanka“ i dr. Općinski načelnik je izdao naredbu da se odmah pristupi sanaciji krova i obezbjedio sredstva za nabavku i ugradnje drvene građe za krov stambene zgrade.

**Februar 2016** - Završeni su radovi na rekonstrukciji puta „Kotoruša“ MZ Gračanica. Nakon izrade kolektora kanalizacione mreže, asfaltirana je ulica u punoj širini i dužini cca. 180 m a nedavno je na istom putu razvedena ulična rasvjeta. Pored ulice „Kotoruša“ asfaltiran je put u ulici „Hajdarevac“ dužinom cca 250m i ulici „Šenik“ kod „Olimpa“ dužinom cca. 205m.

**Februar 2016** - Nusret Helić načelnik Općine je u svom kabinetu primio delagaciju francuskih firmi „AGEPLAST“ i „DM TEHNOLOGIES“ i vlasnika gračaničke firme „Plamingo“. Prisutni su izvjestili načelnika o dogovorenom nastavku poslovne saradnje između „Plaminga“ i francuske firme „AGEPLAST“, koja traje već 10 godina te o uspostavljanju poslovne saradnje sa novom francuskom firmom „DM TEHNOLOGIES“.

**Februar 2016** - Održan je još jedan sastanak na temu „Rekonstrukcija i izgradnja javne rasvjete u centru grada“. Na sastanku je prezentovan glavni projekat rekonstrukcije i izgradnje javne rasvjete u ulici Alije Izetbegovića, centralnom gradskom parku, parku ispred zgrade Općine Gračanica, zgrada Općine Gračanica i objekat stare medrese.

**Februar 2016** - Završeno je asfaltiranje i sanacija dijela ulice Sarajevska i dijela ulice „212. oslobodilačke brigade“. Dionica je asfaltirana u punoj širini. Ukupna dužina dionice je cca. 250 m. Općinski načelnik Nusret Helić i Ibrahim Ahmetagić, stručni saradnik za prostorno uređenje obišli su radove na pomenutoj dionici.

**Februar 2016-** U Multimedijalnoj sali u novoj zgradi Općine, svečanom sjednicom Općinskog štaba civilne zaštite Gračanica i dodjelom priznanja najzaslužnijim pojedincima i kolektivima za zalaganje i ostvarene rezultate u zaštiti i spašavanju ljudi i materijalnih dobara od prirodnih i drugih nesreća, obilježen je Dan civilne zaštite u BiH i Svjetski dan civilne zaštite. Odluku o dodjeli priznanja i nagrada civilne zaštite pročitao je načelnik Općinskog štaba civilne zaštite Gračanica Mustafa Bajić, nakon čega je uručio priznanja i nagrade dobitnicima.

**Mart 2016** - Polaganjem cvijeća i svečanom akademijom u Muzičkoj skoli u Gračanici je obilježen Dan nezavisnosti BiH. Na svečanoj akademiji pored referata Predsjedavajućeg OV upriličen je I kulturno-umjetnički program.

**Mart 2016** – Općinu Gračanica posjetila je ambasadorica Francuske nj.e. Claire Bodony. Nakon zvaničnog prijema Kabinet općinskog načelnika, francuska ambasadorica i općinski načelnik su posjetili Omladinski centar „Anea“ i udruženje „Gračaničko keranje“. Posjeta Gračanici nastavljena je obilaskom kompanija Olimp i Plamingo, firmama koje već imaju uspostavljenu saradnju sa francuskim partnerima. Dvodnevna posjeta u Gračanici nastavljena je 03.03.2016. godine, obilaskom firmi „Fortuna“ te „Kovan“ koje izvoze svoje proizvode na francusko tržište.

**Mart 2016** - Udruženje penzionera/umirovljenika Gračanica-područno odjeljenje Džakule posjetio je Općinski načelnik. Razlog posjete je dodjeljivanje novčanih sredstava za nabavku uredskog namještaja za nove prostorije udruženja penzionera u Džakulama. Pored novčanih sredstava i iznosu od 1000 KM općinski načelnik je udruženju uručio TV prijemnik, umjetničku sliku i zidni sat.

**Mart 2016** - Šef Misije OSCE-a u BiH ambasador Jonathan Moore posjetio je Općinu Gračanica. Nakon zvaničnog prijema u kabinetu općinskog načelnika ambasador je posjetio Mješovitu Srednju Školu Gračanica i Osnovnu Školu „Hasan Kikić“. Posjeta Gračanici nastavljena je obilaskom uspješnih žena iz udruženja „Gračaničko keranje“.

**Mart 2016** - Povodom svjetskog dana bubrega općinski načelnik Nusret Helić je posjetio javnu tribinu koju je organizovalo Udruženje građana hroničnih bubrežnih bolesnika Gračanica u BKC-u Gračanica. Teme o kojima su pričali predavači-doktori sa UKC-a Tuzla, doktori Opšte bolnice u Gračanici, predsjednik FUDITBFBIH iz Viteza, bile su: „Oboljenja bubrega“, „Dijaliza“, „Moždana smrt“, „Darivanje organa“ i „Transplantacija“.

**Mart 2016** - Posjeta Načelnika MZ Miričina, zbog sanacije puta u naselju Mujačići te dionicu puta od Miričine prema Gornjoj Miričini. Posjeta MZ Miričina nastavljena je obilaskom firme d.o.o. „Euro-prost“ gdje je vršen razgovor o poslovanju i aktivnostima firme te o proširenju dionice od Miričine prema Gornjoj Miričini.

**Mart 2016** - Ambasador Crne Gore nj.ekselencija Milan B. Lakić posjetio Općinu Gračanica. Razlog posjete je bratimljenje Općine Gračanica sa Općinom Pljevlja u Crnoj Gori. Razgovaralo se o poslovnoj saradnji te je dogovoreno da Gračanica bude domaćin privrednicima iz Pljevlja na ovogodišnjem sajmu „Grapos-expo 2016“. Nakon zvaničnog prijema, ambasador i općinski načelnik su posjetili udruženje „Gračaničko keranje“ te obilaskom kompanija „Kovan“ i „Index“, firmama koje imaju ili planiraju saradnju sa crnogorskim partnerima i proširenju poslovnih odnosa na crnogorsko područje.

**Mart 2016** - Općinski načelnik Nusret Helić je posjetio Udruženje penzionera/umirovljenika u Stjepan Polju. Razlog posjete je renoviranje prostora koje bi bilo namjenjeno za potrebe penzionera. Radi se o prostoru kojeg je potrebno cijelokupno renovirati u vrijednosti cca 20.000 KM a vlasništva je MZ Stjepan Polje - čitaonice „Hadžići“. Nakon posjete Udruženja načelnik je posjetio porodicu Fatime Ibrišević iz Donje Orahovice, majku bebe Belmine koja nije mogla na liječenje jer nije imala JMBG.

**29 Mart 2016** - U Sarajevu, općinski načelnik zajedno sa 12 načelnika i gradonačelnika iz BiH prisustvovao je potpisivanju pisma namjere o saradnji sa UNDP-om, Ambasdom Švicarske i Švedske razvojne agencije u cilju razvoja mjesnih zajednica. Radi se o projektu „Jačanje uloge Mjesnih zajednica u Bosni i Hercegovini (BiH)“ u kojem je 13 jedinica lokalne samouprave (JLS) izabrano na osnovu prvog javnog poziva.

**April 2016** - Asfaltirana je ulica Malkića sokak koja se pruža od ulice Gornji Čiriš do ulice Čiriš u dužini 95,00m. Širina asfaltirane ulice je u prosjeku cca. 4,00m. Prije asfaltiranja je rekonstruisana postojeća fekalna kanalizacija i izgrađena oborinska u dužini od 165,00m. Vrijednost izvedenih radova po ugovoru iznosi 52.865,15 KM.

**April 2016** - Dan oslobođenja Gračanice u Drugom svjetskom ratu obilježen je nizom svečanih aktivnosti. Nakon polaganja cvijeća, u Sali Muzičke škole u Gračanici održana je Svečana akademija. Nakon Svečane akademije upriličeno je otvorenje izložbe „Kuća sjeveroistočne Bosne“.

**April 2016** - Obilježena 24. godišnjica osnivanja Armije RBiH koja je odigrala ključnu ulogu u odbrani Bosne i Hercegovine. Općinski načelnik Nusret Helić zajedno sa delegacijama boračkih i drugih udruženja su polaganjem cvijeća odali počast svima onima koji su svoje živote ugradili u odbranu i očuvanje Bosne i Hercegovine.

**April 2016** - Otvoren 7. po redu Međunarodni sajam poduzetništva i obrta Grapos-Expo 2016.godine. Na svečanoj ceremoniji otvaranja Sajma prisutnima se prvi obratio direktor sajma, Nedžad Nuhanović a nakon direktora za govornicom su se našli Nusret Helić načelnik Općine Gračanica, Bruno Bojić predsjednik VTK, Bego Gutić premijer Tuzlanskog kantona, Nermin Hodžić, ministar razvoja i poduzetništva TK te Fadil Novalić premijer Vlade Federacije BiH kome je pripala čast da Sajam i proglasi otvorenim. Ove godine na Sajmu je izloženo 315 registrovanih izlagača na 120 štandova iz zemlje i inostranstva na prostoru koji se prostire na 6000m<sup>2</sup> zatvorenog i 4000m<sup>2</sup> otvorenog prostora, a očekuje se preko 20.000 posjetilaca.

**April 2016** - U sklopu Međunarodnog sajma poduzetništva i obrta GRAPOS-EXPO 2016, kabinet općinskog načelnika Nusreta Helića posjetio je Valentin Inzko, Visoki predstavnik za BiH. Razgovoru sa gosp. Inkom prisustvovao je i Predsjednik Evropskog pokreta u BiH gosp. Predrag Praštalo koji je iskoristio priliku i zvanično uručio načelniku priznanje za Partnera u procesa EU integracija za 2015. godinu. Dnevnu posjetu Visoki predstavnik Valentin Inzko nastavio je obilaskom sajma GRAPOS-EXPO 2016 te upoznavanjem sa izlagačima i ovogodišnjom ponudom. U 11:30 sati upriličena je konferencija visokog predstavnika i razgovor sa privrednicima na temu: “Poslovno okruženje i značaj održavanja sajmovi i manifestacija u BiH“.

**April 2016** - U multimedijalnoj sali Općine Gračanica upriličen je svečani prijem ambasadora Crne Gore nj.ekselencija Milana B. Lakića kao i delegacije iz Općine Pljevlja. Posjeta delegacije Pljevlja je poslovno – prijateljska jer će Općina Gračanica biti bratimljena sa Općinom Pljevlja u Crnoj Gori. Na današnjem sastanku su prisustvovali i najuspješniji privrednici iz Općine Pljevlje koji su zainteresovani za saradnju sa gračaničkim privrednicima i proširenju poslovnih odnosa. Nakon zvaničnog prijema u Općini posjeta Gračanici nastavljena je obilaskom firme „Kovan“ te sajma „Grapos-expo 2016“.

**Maj 2016** - U organizaciji Općinskog načelnika i boračkih udruženja prigodnim programom ispred Spomen-obilježja u Bijelim Poljima, obilježen je Dan civilnih žrtava rata općine Gračanica. Polaganjem cvijeće odata je počast civilnim žrtvama Odbrambeno-oslobodilačkog rata 1992.-1995 a ceremonija obilježavanja završena je posjetom i polaganjem cvijeća na mezar Adema Mustajbašića, prve civilne žrtve rata u Gračanici.

**Maj 2016.** - U MZ Lukavica, upriličena je svečana primopredaja osam stambenih jedinica za osam porodica čiji su domovi uništeni u prirodnim nesrećama u 2014. godini. Izgradnja ovih kuća dio je projekta trajnog stambenog zbrinjavanja porodica pogođenih poplavama i klizištima u Bosni i Hercegovini, koji sprovodi UNDP zahvaljujući sredstvima USAID-a i u saradnji sa Federalnim fondom za pomoć nastradalim područjima od prirodne nesreće na teritoriji FBiH i lokalne vlasti. Općina Gračanica obezbijedila 12 placeva za izgradnju stambenih objekata, izgrađeno je 12 kuća, od čega četiri uz dodijeljena sredstva, a osam po sistemu ključ u ruke. Također, izgradila je prilazni put i prateće priključke na infrastrukturu a snosila je i troškove izgradnje temelja u iznosu 40.000 KM. Općinski načelnik je korisnicima, svečano uručio ključeve izgrađenih stambenih objekata kao i Odluke o dodjeli 1.000 KM, svakom domaćinstvu za sretno useljenje.

**Maj 2016** - U organizaciji Općine Gračanica i mjesne zajednice Miričina upriličeno je svečano otkrivanje spomen obilježje šehidima/poginulim borcima MZ Miričina. Spomen obilježje izgrađeno je najviše sredstvima općine Gračanica te mjesne zajednice i Kantonalne organizacije Porodica šehida i poginulih boraca a ukupna vrijednost iznosila je oko 50.000 KM. Učenici osnovne škole Miričina izveli su prigodan program

nakon čega su općinski načelnik, predsjednik MZ Miričina i kćerka poginulog borca otkrili spomen obilježje te položili cvijeće.

**Maj 2016** - U povodu obilježavanja Dana škole, „Druge osnovne škole“ prisustvovao je kulturno-umjetničkom programu u velikoj sali Bosanskog kulturnog centra Gračanica. Najprije se prisutnima obratio direktor škole Kemal Helić koji je u znak zahvalnosti ovom prilikom uručio Načelniku zahvalnicu za saradnju. Nakon kratkog obraćanja, Načelnik je uručio novčanu nagradu te knjigu Najdi Beganović- učenica generacije za školsku 2015/2016 godinu.

**Maj 2016-** Nakon potpisivanja ugovora i dostavljanja potrebne dokumentacije u mjesecu aprilu, 19.05. i 20.05. 2016.godine, Općinu Gračanica je posjetio tim evaluatora u okviru projekta BFC certifikacije. Program je namijenjen općinama i gradovima koji su strateški opredijeljeni da unaprijede poslovni ambijent, privuku investicije i podstaknu razvoj lokalne ekonomije. Sastanci su održani kako sa službenicima općine za pojedine oblasti, tako i sa predstavnicima kompanija, čime su evaluatori mogli dobiti realnu sliku odnosa Općine prema privrednom sektoru.

**Maj 2016** - Općinski načelnik Nusret Helić posjetio je Tuzlu, povodom svečanog otvaranja Bau-centra "Zeka comerc". Novoizgrađeni Bau-centar je otvorila firma "Zeka comerc" iz Gračanice a sam centar je smješten na adresi Industrijska 1A na dionici magistralnog puta petlja Šiški Brod - Bolnica Kreka. U objekat koji se prostire na desetak hiljada kvadratnih metara investirano je oko 5 miliona KM.

**Maj 2016** - U povodu obilježavanja Dana Gimnazije „Dr Mustafa Kamarić“ općinski načelnik Nusret Helić prisustvovao je kulturno-umjetničkom programu u velikoj Sali Bosanskog kulturnog centra Gračanica.

**Maja 2016** – Završeno je asfaltiranje puta u naselju „Bajići“ MZ Donja Orahovica. Dionica je asfaltirana u širini 4m i dužini 180 m. Vrijednost navedene dionice je cca 20.000 KM.

**Maja 2016.** - Asfaltirana je ulica Ahmeta Šiljića u gradskom području. Trenutno je ovo jedna od ulica na gradskom području Gračanice sa najsavremenijom podzemnom infrastrukturom. Navedenu dionicu je posjetio i općinski načelnik Nusret Helić te istakao da su prilikom rekonstrukcije i izgradnje oborinske i fekalne kanalizacije, korišteni su materijali koji ispunjavaju Direktive Evropske unije u pogledu zaštite okoliša, čime Općina Gračanica prednjači u provedbi ekološki prihvatljivih projekata na području Bosne i Hercegovine. Ukupna vrijednost izgradnje i rekonstrukcije fekalne i oborinske kanalizacije, kao i sanacije asfalta iznosi 60.000,00 KM.

**Juni 2016** - U sklopu obilježavanja Dana Općine Gračanica, delegacija bratimljenog grada Fleury Les Aubrais iz Francuske, posjetila je Gračanicu. U sklopu svojih aktivnosti, obišli su JU MSS Gračanica, zatim Opću bolnicu „Dr. Mustafa Beganović“, JU „Dom zdravlja“ Gračanica, JP „Komus“ d.o.o. Gračanica, Udruženje građana „Gračaničko keranje“ i firmu „Index“ d.o.o. Na svečanoj akademiji, kojoj su među brojnim gostima, prisustvovala francuska delegacija sa ambasadoricom Francuske u BiH, Claire Bodony i predstavnicima bratskog francuskog grada Fleury Les Aubrais, delegacija Općine Pljevlja iz Crne Gore i predstavnici Vlade TK i dr. gosti. Načelnik Helić je uručio općinska priznanja: Zlatne plakete Općine Gračanica Udruženju djece sa posebnim potrebama „Futura“ i časopisu za kulturnu historiju „Gračanički glasnik“, a zlatne značke Ameru Džindi, stručnom konsultantu za klizišta, Topčagić Almiru, policijskom službeniku Policijske uprave Gračanica i Drndić Mustafi, imamu iz Prijekog Brda. Nakon svečane akademije, presijecanjem vrpce svečano je otvorena novoizgrađena saobraćajnica u industrijskoj zoni i nova fabrika kompanije RPC Superfos, koja je svjetski lider u proizvodnji ambalaže za prehrambenu industriju.

**Juni 2016** – U MZ Donja Lohinja asfaltirana dionica puta Donja Lohinja-Pribava na potezu Mujkanovac-Meraje u dužini oko 300 m. Vrijednost radova je cca 40.000 KM. Općinski načelnik je obišao asfaltirani put te se uvjerio u kvalitet izvedenih radova.

**Juni 2016** - U Stjepan Polju simboličnom ugradnjom tri bloka i zvanično otpočela izgradnja savremene osnovne škole. Po jedan blok u objekat škole čija je gradnja započela ugradili su ministar obrazovanja Zlatan Muratović, Općinski načelnik Nusret Helić te privrednik Esad Tursunović i na taj način simbolično označili početak radova.

**Juni 2016** - Polaganjem cvijeća na mezar u MZ Donja Orahovica, obilježena je 1. godišnjica od smrti vijećnika, predsjednik Općinske organizacije Ratnih vojnih invalida te dobitnika općinskog priznanje, "Zlatna značka", Admira Gazibegovića zv. Atko. Cvijeće na mezar rahmetli Admira Gazibegovića položili su delegacija Općine Gračanica predvođena načelnikom općine Nusretom Helićem i predsjedavajućim

Općinskog vijeća Edina Ibrišević, delegacija VMZ Donja Orahovica te boračko udruženje, porodica i prijatelji. Nakon odavanja počasti uz polaganje cvijeća i učenjem fatihe na mjesnom mezarju prisutni su posjetili porodicu rahmetli Admira.

**Juni 2016** - Upriličena je svečana primopredaja ključeva za rekonstruisanu kuću porodice Dedić iz Donje Orahovice. Riječ je o teškom socijalnom slučaju, majci Amiri Hasanbegović-Dedić, sinu Bakiru i Edisu, koji su živjeli u veoma lošim uslovima. Vrijednost rekonstruisane kuće je 10.000 KM.

**Juni 2016** - Upriličen je svečani čin presjecanja vrpce za put „Makovci“ u MZ Donja Orahovica. Riječ je o dionici puta u dužine 710 m. Vrijednost radova je cca 72.000 KM a sva sredstva je obezbijedila Općina Gračanica. Ukupna dužina puta za "Makovce" 1.400 m.

**Juni 2016** – Načelnik je prisustvovao je svečanosti povodom dodjele diploma 44. generaciji maturanata JU Gimnazije „Dr. Mustafa Kamarić“. Na svečanosti Općinski načelnik je tradicionalno uručio „Pohvale“ i novčane nagrade za 36 učenika koji su tokom cijelog srednjeg obrazovanja imali odličan uspjeh kao i vladanje. Učeniku generacije, Hadžić Harisu, Načelnik je uručio posebnu „Pohvalu“ i novčanu nagradu.

**Juni 2016** - Općinski načelnik Nusret Helić je u svom kabinetu razgovarao sa predstavnicima Udruženja penzionera Općine Gračanica. Tema sastanka je bila, mogućnost subvencioniranja troškova plaćanja karata za korištenja bazena na Termama. Penzioneri su upoznali načelnika da su vlasnici Terma povisili cijenu karata i za penzionere sa 3 KM (konvertibilne marke) na 5 KM te da bi trebali iznaći mogućnost da se subvencioniraju troškovi. Već od 20.06.2016. godine penzioneri će moći u Udruženju penzionera Gračanica dobiti kartu po cijeni od 3 KM a razliku će platiti Općina Gračanica.

**Juni 2016** - U multimedijalnoj sali Općine Gračanica potpisano je 75 ugovora, između Općine Gračanica i korisnika, za dodjelu finansijske pomoći osobama čiji su objekti oštećeni u elementarnim nepogodama 2014/2015. godine. Riječ je o iznosu od 215.000 KM koje je Općina obezbijedila iz namjenskih sredstava Federalne uprave Civilne zaštite a raspodjeljena su na 75 osoba u rasponu od 1.000 KM (konvertibilnih maraka) do 6.000 KM i to prema kriteriju: „Zapisnika o štetama Općine Gračanica“. Na potpisivanju ugovora prisustvovao je i Općinski načelnik koji je najavio rješavanje putne komunikacije i klizišta Drama-Klanac prema Pribavi, Korića Hana-Hadžijina voda prema romskom naselju i Doborovci-Serhatlije Prijeko Brdo. Od ukupnog broja korisnika kojima je danas uručena finansijska pomoć njih 18 su prethodno dobili i donaciju u građevinskom materijalu.

**Juli 2016** - U kabinetu Općinskog načelnika Nusreta Helića izvršena je predaja projektne dokumentacije i građevinske dozvole za osam korisnika čiji su domovi uništeni u poplavama u Lukavici. Općina Gračanica je dodijelila besplatne placeve za izgradnju osam kuća, snosila je troškove izdavanja dozvola i saglasnosti, uređenja komunalne infrastrukture i pristupnih puteva.

**Juli 2016** – U sali Općine Gračanica održana je press konferencija povodom posljednjeg trovanja i pomora ribe u rijeci Spreči. Na press konferenciji prisutnima su se obratili općinski načelnik Nusret Helić, Predsjedavajući Općinskog vijeća Gračanica Edin Ibrišević, Osman Hodžić sekretar Sportsko-ribolovnog društva „Drijenča“ i Predsjednica udruženja poljoprivrednika Abida Jahić. Podršku ovoj press konferenciji kao i sportsko-ribolovnom društvu „Drijenča“ pružili su poljoprivrednici, ekološka udruženja, moto-klubovi, učenici osnovnih škola iz Gračanice i građani.

**Juli 2016** - Učenjem Fatihe, Jasina i dove te polaganjem cvijeća drugog dana Ramazanskog bajrama, na šehidskom mezarju Šabuša u Gračanici obilježen je Dan šehida. Početak obilježavanja "Dana šehida" počeo je u 9 sati ispred Centralnog šehidskog spomen-obilježja gdje je općinski načelnik Nusret Helić zajedno sa predstavnicima Boračkih udruženja položio cvijeće.

**Juli 2016** - Na dan žalosti, 11. jula 2016. godine, na platou Osman-kapetanove medrese, Udruženje „Gračaničko keranje“ je organizovalo distribuciju Cvijeta – Sjećanje. Općinski načelnik Helić Nusret, svojim prisustvom je podržao distribuciju Cvijeta – Sjećanje, kao i kupovinom Cvijeta kao poklona najmlađim sugrađanima, koji su posjetili jedan od štandova i izrazili želju da posjeduju značajni simbol našeg društva.

**Juli 2016** - Asfaltirana je moderna saobraćajnica "Bahići" MZ Gračanica. Širina asfaltiranog puta je 5,00m a dužina 450 m. Vrijednost puta „Bahići“ je cca. 50.000 KM a sredstva je obezbijedila Općina Gračanica. Izvođač radova je d.o.o. Roding Gračanica. Svečanu vrpcu je presjekao Načelnik općine Gračanica Nusret Helić.

**Juli 2016** - Na poziv ambasadorice Francuske, gospođice Claire Bodonyi, Načelnik općine Nusret Helić sa savjetnikom za međunarodnu saradnju Dinom Čolićem i njegovom suprugom, prisustvovao svečanom prijemu u povodu Francuskog nacionalnog praznika. U ugodnom druženju u bašti rezidencije ambasade i razgovoru, kojem se pridružila i ambasadorica Sjedinjenih Američkih Država gospođa Morin Kormak, Načelnik je pozvao ambasadoricu SAD-a da posjeti Gračanicu.

**Juli 2016** - Općinu Gračanica posjetila je Giselle Wilz, komadant Štaba NATO-a u BiH sa delegacijom. Posjeta predstavlja prvu posjetu rukovodstva NATO-a općini u historiji Gračanice. Posjeta je počela prijemom komadanta Wilz u kabinetu Općinskog načelnika Nusreta Helića. Tom prilikom, Općinski načelnik je predstavio osnovne karakteristike općine, političko-bezbjednosnu situaciju, privrednu strukturu, glavne projekte saradnju sa susjednim općinama u Federaciji i RS-u, sa razvojem nevladinog sektora i vizijom razvoja općine. Ugodan i konstruktivan razgovor je nastavljen posjetom Udruženju građana „Gračaničko keranje“ te firme „Euro Galant“ d.o.o., koji izrađuje neke od proizvoda za potrebe NATO.

**Juli 2016-** U Multimedijalnoj sali općine Gračanica, općinski načelnik Nusret Helić je potpisao ugovore sa nevladinim organizacijama za finansiranje-sufinansiranje projekata. Projekti se finansiraju sredstvima iz budžeta općine Gračanica za 2016. godinu, a ukupna vrijednost odobrenih sredstava iznosi 50.000 KM. Od navedenog iznosa, 15.800 KM se dodjeljuje omladinskim udruženjima, a 34.200 KM ostalim udruženjima. Od 39 prijavljenih projekata, za njih 27 su odobrena sredstva.

**Juli 2016** - Općinski načelnik Nusret Helić, potpisao je tri ugovora u okviru faze II projekta „Hitni oporavak od poplava“ (FERP). Ugovori su vrijednosti u iznosu od 886.000 KM grant sredstava za sanaciju klizišta i dionice puta u Serhatlijama MZ Prijeko Brdo, Stjepanovac-Samuela Elezara, Korića Han-Grabovac u MZ Gračanica. Donator je Svjetska banka. Navedeni radovi obuhvataju izgradnju i rekonstrukciju postojeće fekalne i oborinske kanalizacije, sanaciju klizišta, postavljanje javne rasvjete, te asfaltiranje dionica.

**Juli 2016** - Upriličeno je otvorenje puta u naselju Čozalovo Brdo u MZ Škahovica. Dužina puta je 1.700 metara, cijelom dužinom puta su uređene bankine, a na jednom dijelu je izgrađen i potporni zid dužine 30 m, radi zaštite od eventualne opasnosti od klizišta. Ukupna vrijednost projekta iznosi 100.000 KM, Općina Gračanica je obezbijedila 70.000 KM, a ostalih 30.000 KM su prikupili mještani.

**Avgust 2016** - Na bazenima „Terme“ Gračanica je otvorena „Obuka učenika/ca neplivača“. Organizator je Sportski savez općine Gračanica u saradnji sa bazenima „Terme“ Gračanica a generalni pokrovitelj Općinski načelnik koji je svečano otvorio obuku. Obuka se tradicionalno održava petu godinu zaredom, a ove godine su, osim iz općine Gračanica, prijavljeni i učenici/ce iz drugih općina i dijaspore: općina Tuzla, Sapna, Živinice, Doboj Istok te Austrije i Norveške.

**Avgust 2016** - U multimedijalnoj sali općine Gračanica, održan je sastanak predstavnika općine Gračanica, mjesnih zajednica, privatnog sektora, medija, građana i predstavnika UNDP-a. u okviru projekta „Jačanje uloge mjesnih zajednica u Bosni i Hercegovini“. Nakon izbora mjesnih zajednica koje su uključene u projekat, održani su sastanci, nabavljena je oprema, održane razne obuke a trenutno je u toku faza održavanja sastanaka i radionica o idealnoj viziji mjesnih zajednica, istakao je načelnik.

**Avgust 2016** - Ispred spomen-obilježja na kome su ispisana imena 61 poginulog borca, obilježena je 22. godišnjica bitke na Visu. Obilježavanju su prisustvovala porodice poginulih boraca, Općinski načelnik Nusret Helić, ratni komandanti, predstavnici i članovi boračkih udruženja sa područja općine Gračanica, imami Medžlisa Islamske zajednice Gračanica, izviđački odredi „Vrba“ iz Doboj Istoka i „Lukavica“ te veliki broj građana općine Gračanica. O važnosti ove spomen lokacije u svom obraćanju govorio je općinski načelnik Nusret Helić. Općinskom načelniku uručena je zahvalnica za nesebičnu pomoć i doprinos u realizaciji izgradnje poligona Vis.

**Avgust 2016** - U Kabinetu Općinskog načelnika gospodina Nusreta Helića, je upriličen prijem za gospođu Anna Erminia Rebellato, Predsjednicu humanitarnog udruženja „Unamano“ iz Italije, kojoj je dodijeljeno ovogodišnje priznanje Počasni građanin općine Gračanica. Općinski načelnik je svečano uručio priznanje gospođi Rebellato, čestitao joj i zahvalio se na svemu što je učinila zajedno sa članicama i članovima udruženja „Unamano“ na području općine Gračanica a posebno mjesne zajednice Škahovica.

**Avgust 2016** - Pod pokroviteljstvom općinskog načelnika Nusreta Helića a u organizaciji Sportskog saveza općine Gračanica i bazena „Terme“ svečano je zatvorena „Obuka učenika/ca neplivača“. Preko 100 učesnika

iz općine Gračanica, Tuzla, Sapna, Živinice, Doboj Istok te učesnika iz Austrije i Norveške danas su primili zahvalnice i nagrade za učešće u ovom projektu.. Zahvalnicu za Generalno sponzorstvo i doprinos u realizaciji ovog projekta uručena je Općinskom načelniku Nusretu Heliću.

**Avugust 2016** - Nakon pet dana igre, druženja, upoznavanja i zabave općinski načelnik Nusret Helić i načelnik općine Petrovo Ozren Petković na stadionu „Bratstva“ svečano zatvorili 19. Dansku školu nogometa. Riječ je o projektu koji se već 19. godina uspješno realizuje na području Gračanica i Petrovo, pod pokroviteljstvom UEFA-e i pomenutih lokalnih zajednica. Više od 200 dječaka i djevojčica sa područja ove dvije općine uspješno su naučili prve nogometne korake i sklopili nova prijateljstva.

**Avugust 2016** - Općinski načelnik Nusret Helić je u svom kabinetu upriličio prijem najboljeg mladog fizičara sa područja općine Gračanica, Dženana Devedžića, kao i njegovog profesor Ervina Barakovića. Dženan Devedžić je na olimpijadi nastupao za reprezentaciju Bosne i Hercegovine, na kojoj je osvojio počasnu nagradu. Dženan je ove godine uzeo učešće i na međunarodnom takmičenju iz fizike Romanian Master of Physics 2016. i osvojio bronzanu medalju. Općinski načelnik je uručio Dženanu novčanu nagradu .

**Avugust 2016** - Općinski načelnik Nusret Helić je, u povodu obilježavanja trodnevne tradicionalne manifestacije “Dani odbrane Lukavice 1992-1995. godine “ , položio cvijeće na šehidsko spomen obilježje te odao počast svim onima koji su dali život za odbranu Bosne i Hercegovine.

**Avugust 2016** - U Mjesnoj zajednici Buk svečano je otvoren poligon za male sportove, novoasfaltirani put dužine 1300 m te drugi projekti. Vrijednost svih navedenih projekata iznosi cca 250.000 KM. Mještani su uzeli učešće sa 20% svojih novčanih sredstava.

**Septembar 2016** - U organizaciji Općine Gračanica i koordinaciji boračkih udruženja po prvi put je obilježen dan 111./221. gračaničke brigade. Pored polaganja cvijeća na Centralnom spomen-obilježju Odbrambeno-oslobodilačkog rata 1992-1995.godina, Općinski načelnik Nusret Helić položio je cvijeće i na spomen-obilježja u MZ Gornja Orahovica, MZ Miričina, MZ Lukavica, MZ Pribava, MZ Lohinja te na spomen obilježje Vis i Zečev Gaj. U nastavku je održana svečana akademija u Bosanskom kulturnom centru na kojoj se prisutnima obratio Općinski načelnik Nusret Helić, kao i prvi komandant Tarik Nuhanović koji je govorio o slovnj 111. gračaničkoj brigadi, njenom formiranju i ratnom predsjedništvu.

**Septembar 2016** - U kabinetu općinskog načelnika Nusreta Helića potpisan je ugovor za izvođenje radova na bušenju istražnih bušotina na području općine Gračanica. Riječ je o projektu koji se implementira u okviru projekta WATSANFBiH a realizuje se u općini Gračanica. Vrijednost Ugovora: 423.847,12 KM. Projektom je obuhvaćeno ukupno 6 (šest) bušotina. Lokacije obuhvaćene predmetnim projektom su sljedeće: MZ Malešići, MZ Lukavica, MZ Prijeko Brdo, MZ Škahovica, a na području MZ Lohinja su planirane dvije bušotine na mikrolokaciji Bjelivode i mikrolokaciji Keže.

**Septembar 2016** - Uposlenici NiN IVŠA u prisustvu Općinskog načelnika Nusreta Helića, inspektora BH MAC-a i Službe za civilnu zaštitu, izvršili su primopredaju zadatka “ Gornji Skipovac 2A ” ID 5827-tehničko izviđanje ukupne površine od 158.479,95 m<sup>2</sup>. Na osnovu aplikacije “ Učešće općine Gračanica u sufinansiranju humanitarnog deminiranja” i potpisanom Pismu namjere od strane Općinskog načelnika općine Gračanica za sufinansiranje humanitarnog deminiranja u iznosu od 10 %, Vlada Savezne Republike Njemačke je odobrila sredstva u iznosu od 90 % za deminiranje tri projekta koji se nalaze na teritoriji općine Gračanica i to: “ Gornji Skipovac 2A” ID 9208, TI od 158.479,95 m<sup>2</sup>; “ Stražba” ID 5827, Čišćenje od 4.386,55 m<sup>2</sup>; “ Babići- Sijedi Krš” ID 8733, TI od 5195,60 m<sup>2</sup>. Ukupna vrijednost Ugovora je 243.830,84 KM ( sa PDV-om).

**Septembar 2016** – U kabinetu općinskog načelnika potpisan je ugovor o izvođenju građevinskih radova „Izgradnja Upravne zgrade J.P. „Komus“ d.o.o“. Riječ je o ugovoru za izvođenje građevinskih radova na izgradnji Upravne zgrade koji će se izgraditi na lokalitetu Zelene pijace. Ukupna vrijednost navedenih projekata je 1 milion KM koji će se investirati dijelom iz vlastitih a dijelom iz kreditnih sredstava.

**Septembar 2016** - U povodu Kurban-bajrama, općinski načelnik Nusret Helić u saradnji sa Udruženjem „Gračaničko keranje“ upriličio je prijem u Bosanskoj kući u Varoši. Na prijemu su prisustvovali predstavnici Medžlisa Islamske zajednice, privrednici, građani a svečanost su svojim nastupima uveličale članice KUD-a „Jošak“ Piskavica. Nakon zvaničnog prijema općinski načelnik uručio je bajramske paketiće članicama KUD-a “Jošak” Piskavica kao i najmlađim koji su posjetili Bosansku kuću.



**Septembar 2016** - Općinski načelnik Nusret Helić prisustvovao je svečanom otvorenju novoizgrađene osnovne škole u Stjepan Polju. Na svečanosti su prisustvovali brojne zvanice i to: Premijer Tuzlanskog kantona Bego Gutić, ministar obrazovanja, nauke, kulture i sporta Tuzlanskog kantona Zlatan Muratović, ministrica rada, socijalne politike i povratka Danijela Simić, ministar prostornog uređenja i zaštite okolice Hasan Fehratović, ministar trgovine turizma i saobraćaja Mirsad Gluhić, direktor pedagoškog zavoda Nikola Čiča, predstavnici Medžlisa islamske zajednice Gračanica, privrednici, veliki broj preostalih delegacija i mještana Stjepan Polja. Vrijednost investicije je oko 1 milion KM.

**Septembar 2016** - Uposlenici NiN IVŠA u prisustvu Općinskog načelnika Nusreta Helića, inspektora BH MAC-a i Službe za civilnu zaštitu, izvršili su primopredaju zadatka "Babići- Sijedi Krš" ID 13907 tehničko izviđanje ukupne površine od 5195,60 m<sup>2</sup>. Ovo je posljednji projekat za 2016. godinu a već su spremljeni novi koji su kandidovani međunarodnim i domaćim donatorima te se otvaranje novih radilišta očekuje i u narednoj godini.

**Septembar 2016** - Općinski načelnik Nusret Helić posjetio je Udruženja penzionera/umirovljenika Općine Gračanica a povod posjete je uručenje jednokratne novčane pomoći za najugroženije penzionere. Kao i prethodnih deset godina općinski načelnik je i ove godine uručio jednokratnu pomoć za oko 500 penzionera, 20% više nego prethodne godine.

**Septembar 2016** - U naselju „Javor“ upriličeno je polaganje kamena temeljca za izgradnju dvije stambene zgrade socijalnog stanovanja za Romske porodice. Riječ je o projektu AKCIJA ROMA-podrška socijalnom uključenju ranjivih Romskih porodica u područjima pogođenim poplavama putem obezbjeđenja stambenih jedinica i socio-ekonomskih mjera sa aktivnim učešćem državnih i lokalnih vlasti kao i drugih interesnih grupa. Vrijednost radova je oko 500 000 KM od čega je 400 000 uloženo od strane austrijske organizacije Hilfsverk a 100.000 od Federalnog ministarstva raseljenih osoba i izbjeglica. Ukupna vrijednost učešća Općine je 100.000 KM.

**Septembar 2016** - Svečanom otvorenju sportske sale u OŠ Hasan Kikić Gračanica prisustvovao je općinski načelnik Nusret Helić. U projektu pod nazivom „Vratimo djecu u sportsku salu“ učestvovali su učenici i profesori OŠ "Hasan Kikić", Vijeće roditelja, privrednici, lokalna vlast i Vlada TK. Ukupna vrijednost ovog projekta je oko 180.000 KM. Svečanom otvorenju prisustvovao je ambasador Velike Britanije nj.ekselencija Edvard Ferguson, Lady Miloška Nott počasna građanka Gračanice, ministri Vlade TK, dr. Nizama Salihefendić predsjednica Udruženja „Polifonija“, privrednici, profesori, brojni roditelji i učenici ove škole.

**Septembar 2016** - U multimedijalnoj sali općine Gračanica održano je predavanje-razgovor na temu „Žene u biznisu-žene lideri“. Općinski načelnik Nusret Helić u saradnji sa NATO štabom organizovao je ovo predavanje s ciljem motivacije žene na nove pothvate te povećanju zastupljenosti žena na najvišim položajima. Uspješnom predavanju i prijatnom razgovoru prisustvovao je veliki broj žena iz Udruženja „Gračaničko keranje“, Udruženja „Poljoprivrednika, poljoprivrednih inženjera i tehničara“ te žene koje su rukovodioci velikih gračaničkih firmi kao i ostale zainteresovane žene sa područja Općine.

**Septembar 2016-** Počeo novi ciklus obuke za treću generaciju BILD IT WORKFORCE DEVELOPMENT PROGRAM –a. Općina Gračanica, Britanska ambasada i IT kompanije pružaju finansijsku i tehničku pomoć u okviru projekta "BILD-IT", koji ima za cilj stvaranje radnih mjesta u IT sektoru u BiH do 2020. godine. Na kraju je upriličena svečana ceremonija sadnje drveća prijateljstva u parku ispred zgrade općine na kojoj je prisustvovao i općinski načelnik.

**Oktober 2016-** U organizaciji općine Gračanica, Medžlisom Islamske zajednice Gračanica, Udruženjem „Gračaničko keranje“ i Bosanskim kulturnim centrom Gračanica, u velikoj sali BKC-a, obilježen je „Dan ašure“ ili Jevmu-Ašura. U ime domaćina gostima dobrodošlicu iskazala je Azemina Ahmedbegović, predsjednica Udruženja „Gračaničko keranje“. Prisutnima su se obratili i Smajo-ef. Mustafić glavni imam MIZ Gračanice i općinski načelnik Nusret Helić koji je tom prilikom istakao da je cilj održavanja manifestacije da se poruka mira, zajedništva, humanosti i bratstva pošalje iz Gračanice.

**Oktober 2016-** Nakon potpisivanja tri ugovora u okviru faze II projekta „Hitni oporavak od poplava“ (FERP), izvođač radova Roding doo je 17.10.2016. godine završio radove na sanaciji aktivnog klizišta koje zauzima prostor iznad nivelete saobraćajnice, kao i asfaltiranje pripadajuću dionicu puta na lokalitetu Korića Han (MZ Gračanica). U okviru radova je izgrađena drenažna mreža i oborinska kanalizacija u cilju

stabilizacije klizišta, te asfaltiranje cjelokupne dionice puta Korića Han u dužini od 719 m, čime je Općina Gračanica efikasno povezana alternativnom dionicom sa putem M4 Tuzla-Doboj. Vrijednost projekta iznosi 200.000 KM.

**Oktober 2016** - Općinski načelnik Nusret Helić i šef službe za prostorno uređenje, geodetske i imovinsko-pravne poslove Aida Hodžić, posjetili su opštinu Petrovo. Razlog posjete je rješavanje problem uređenja i regulacije korita rijeke Spreče. Na sastanku su pored općinskog načelnika Ozrena Petković prisustvovali i njegovi saradnici za urbanizam i predstavnica JP „Vode Republike Srpske“. Dogovoreno je da se zajedničkim dopisima ove dvije općine obrate entitetskim ministarstvima i Agencijama za vode, nadležnim za rješavanje ovog problema i zatraže da se ovaj problem stavi u prioritete njihovog djelovanje i planove za narednu godinu.

**Novembar 2016** - Kabinet općinskog načelnika posjetila je ambasadorica Francuske u BiH nj.e. Claire Bodony. Razlog posjete je nastavak i proširenje ekonomske i obrazovne saradnje koju francuska ambasada nudi općini Gračanica. Tim razlogom sa ambasadoricom u posjetu je došla i saradnica za pitanja obrazovanja i decentralizacije. Današnjom posjetom dogovoren je nastavak saradnje u školstvu kroz razmjenu učenika srednjih škola i stvaranje ambijenta za učenje na francuskim iskustvima što bi doprinijelo bržem zapošljavanju u firmama..Posjeta je nastavljena obilaskom gračaničkih kompanija “ Index“ i „Plamingo“.

**Novembar 2016** - Općinski načelnik Nusret Helić zajedno sa općinskom delegacijom i privrednicima iz Gračanice posjetili su općinu Pljevlja u Crnoj Gori. Dvodnevna posjeta je započela obilaskom najznačajnijih spomenika srednjovjekovne kulture a nastavljena je u utorak 08.11.2016. godine svečanim prijemom u općini Pljevlja te posjeti rudnika uglja i termoelektrani Pljevlja. Iz općine Pljevlja će se prvom polovinom 2017. godine pokrenuti inicijativa da se službeno ozvaniči saradnja i prijateljstvo ove dvije općine.Ovim posjetama su privrednici iz obje općine nastavili razgovore o mogućoj poslovnoj saradnji a prostora za to sigurno ima u obje sredine.

**Novembar 2016** - U prostorijama Bosanskog kulturnog centra delegacija općine Gračanica uručila je besplatne udžbenike za 52 učenika romske populacije. Riječ je o školskim torbama, priboru i udžbenicima koje općina Gračanica već šestu godinu obezbjeđuje za učenike osnovnih i srednjih škola koji redovno pohađaju nastavu.Vrijednost uručenih udžbenika iznosi oko 10.700 KM.

**Novembar 2016** - U kabinetu općinskog načelnika Nusreta Helića održan je sastanak sa predstavnicima Vijeća učenika iz Mješovite srednje škole i Gimnazije „Dr. Mustafa Kamarić“ Gračanica. Cilj sastanka je uspostavljanje novih, kvalitetnijih odnosa lokalne vlasti sa srednjoškolskom omladinom te prijedlog ideja za naredni period. U skorije vrijeme će se zajedničkim snagama realizovati predloženi projekti.

**Novembar 2016** - Kabinet općinskog načelnika posjetili su predstavnici Udruženja peradara u FBIH, Udruženja za poljoprivredu i prehrambenu industriju Kantonalne privredne komore Tuzla, te kompanija „BIO.E“ iz Italije i „Woodland“ iz Drvara. Razlog posjete je potencijalna izgradnja tvornice za preradu organskog gnojiva na području općine Gračanica.Ukupna vrijednost ove investicije je oko 5,7 miliona Eura, a otvorenje ove tvornice značilo bi i otvorenje novih trideset radnih mjesta.Zajednička je ocjena da bi bilo dobro da se stvore uslovi da se fabrika gradi na području Općine Gračanica te će se zajedno sa peradarima tražiti odgovarajuća lokacija.

**Novembar 2016** - Ministar razvoja i poduzetništva Tuzlanskog kantona, Nermin Hodžić, predsjednik OKTK, Željko Babić te direktor Sajma „Grapos expo“ Nedžad Nuhanović su posjetili kabinet općinskog načelnika Nusreta Helića i razgovarali o organizaciji osmog po redu sajmu poduzetništva „Grapos expo 2017 “.Nakon sastanka kod načelnika ministar Hodžić, predsjednik OKTK i načelnik su u povodu „Globalne sedmice poduzetništva „ i po programu Ministarstva obišli preduzeća „INGRAT“ d.o.o. Gračanica i OD „MEKIĆ“. Zaključeno je da će Ministarstvo razvoja i poduzetništva i lokalna vlast zajednički istrajati u rješavanju istaknutih problema privrednika.

**Novembar 2016** - Svečano obilježavanje Dana državnosti započelo je tradicionalno obilaskom i polaganjem cvijeća na Centralno spomen-obilježje poginulim borcima/šehidima i civilnim žrtvama odbrambeno-oslobodilačkog rata 1992.-1995, Spomen-kosturnicu borcima NOR-a i Bistu Josipa Broza Tita. Brojne delegacije, predvođene načelnikom Nusretom Helićem, brojna udruženja te predstavnici političkih partija, položile su cvijeće i odale počast svima onima koji su svoje živote utkali u opstojnost naše domovine. Odmah nakon polaganja cvijeća obilježavanje Dana državnosti BiH nastavljeno je u Muzičkoj školi gdje je održana svečana akademija sa prigodnim kulturno-umjetničkim programom.

**Decembar 2016** - Gradski ansambl Gračanica u ime Umjetničkog obrazovnog centra Gračanica posjetili su kabinet općinskog načelnika. Tema posjete je razgovor o radu i aktivnostima te gostovanje članova Gradskog ansambla u Minhenu koje će se održati od 19. do 22. Januara 2017. godine. Gradski ansambl je jedini ansambl iz Bosne i Hercegovine koji će svoj rad prezentovati na svečanosti koja će biti upriličena u Minhenu. Općinski načelnik Nusret Helić je podržao aktivnosti ansambla te osigurao članovima prostor za održavanja proba kao i finasijsku podršku za odlazak članova u Minhen.

**Decembar 2016** - U foajeu BKC-a Gračanica upriličeno je obilježavanje „Međunarodnog dana osoba sa invaliditetom“. Udruženje roditelja djece i mladih sa posebnim potrebama "Futura" je uz finasijsku podršku Općine Gračanica organizovala izložbu pod nazivom „Srca osjećaju, ruke ostvaruju,“ povodom obilježavanja dana osoba sa invaliditetom. Nakon prigodne manifestacije koju su upriličili volonteri UG Futura, izložbu je svečano otvorio općinski načelnik Nusret Helić.

**Decembar 2016** - Načelnik općine Gračanice, Nusret Helić, svečano je otvorio „Klizalište“ sezona 2016/2017“ u petak 16.12.2016. godine koje je po drugi put dostupno građanima Gračanice. Vrijednost projekta je ccc 50.000 KM. I ovogodišnje klizaliste finansira Općina Gračanica a organizatori su Sportski savez Općine Gračanica i Bosanski kulturni centar Gračanica. Načelnik je najavio centralno obilježavanje Nove godine u centru grada kao i Novogodišnji bazar koji će po prvi put biti upriličen na rukometnom igralištu.

**Decembar 2016** - U kabinetu općinskog načelnika Nusreta Helića danas je (21.12.2016.g.) upriličeno potpisivanje Memoranduma o razumijevanju između općine Gračanica i World Vision u Bosni i Hercegovini. World Vision je započeo projekat „Održivi oporavak na lokalnom nivou“ a ukupna vrijednost projekta je 220.000 EUR kojeg finansira Evropska Unija. Projekat se sprovodi na području općina: Gračanica, Petrovo, Lukavac, Srebrenik i Kalesija.

**Decembar 2016** - Kabinet općinskog načelnika su posjetili i predstavnici Vijeća mladih općine Gračanica. Na sastanku se razgovaralo o Zakonu o mladima FBiH tj. kako i na koji način ga najbolje sprovesti te o ostalim problemima mladih sa kojima se susreću. Zaključeno je da će se zajedničkim snagama izraditi Strategija za mlade, ažurirati Općinski registar za mlade te da će u narednom periodu aktivnije raditi na proširenju Vijeća sa što većim brojem omladinskih organizacija.

**Decembar 2016** - U organizaciji Sportskog saveza Općine Gračanica i pod pokroviteljstvom općinskog načelnika Nusreta Helića. U velikoj sali BKC-a održana manifestacija izbora najboljih sportista Općine Gračanica u 2016. godini. Na samom početku prisutnima su se obratili općinski načelnik Nusret Helić i predsjednik Sportskog saveza dr. Osman Bukvić, nakon čega su uručena brojna priznanja najzaslužnijima u oblasti sporta u godini koja je na izmaku.

**Decembar 2016** - Upriličeno je druženje učenika četvrtog razreda OŠ „Sveti Sava“ Kakmuž i OŠ „Hasan Kikić“ iz Gračanice. Druženje vršnjaka „Dan zajedničke radosti“ organizovan je u sklopu projekta „PRO-Budućnost“ (Povjerenje, razumijevanje, odgovornost za budućnost). Opštine Petrovo i Gračanica su partnerske općine u projektu „PRO Budućnost“ a to je projekat koji se realizuje u Bosni i Hercegovini, u kome su partnerske općine iz jednog i drugog entiteta. Nakon obilaska grada mališani su sa slikarom Semirom Osmanhodžićem u Omladinskom centru "Anea" tehnikom ulje na platnu naslikali umjetničko djelo nazvano „MIR“. Zajedno sa mališanima načelnik općine Nusret Helić poslao je poruku mira iz Gračanice te svim mališanima uručio je novogodišnje paketiće sa nadom da će uskoro ponovo posjetiti Gračanicu.